

四庫全書

經部

# 欽定四庫全書

經部

日講春秋解義卷五十四

詳校官監察御史臣莫瞻菴

給事中臣溫常綬覆勘

覆校官中書臣田尹衡

校對官中書臣袁文邵

謄錄監生臣趙鳴皋

欽定四庫全書

日講春秋解義卷五十四

昭公

二十有二年春齊侯伐莒

左傳二十二年春王二月甲子齊北郭啓帥師伐莒啓齊

大夫北郭莒子將戰苑羊牧之諫曰牧之莒大夫齊帥賤

其求不多不如下之大國不可怒也弗聽敗齊師于

壽餘

壽餘杜注莒地當在今安丘縣境

齊侯伐莒

敗

莒子行成司馬

竈如莒涖盟

竈齊大夫

莒子如齊涖盟盟于稷門之外

稷門

齊城門

莒于是乎大惡其君

爲明年莒子來奔傳

十九年齊高發伐莒莒猶不服故齊侯復伐之明年莒子來奔齊迫之也

宋華亥向寧華定自宋南里出奔楚

左傳

楚薳越使告于宋曰

前年薳越帥師迎華氏

寡君聞君有不

令之臣爲君憂無寧以爲宗羞寡君請受而戮之對

曰孤不佞不能媚于父兄

華向公族也故稱父兄

以爲君憂拜

命之辱抑君臣日戰君曰余必臣是助亦唯命人有

言曰唯亂門之無過君若惠保敝邑無亢不衷以獎

亂人孤之望也唯君圖之楚人患之

患宋以義距之

諸侯之

戍謀曰若華氏知困而致死楚恥無功而疾戰非吾

利也不如出之以爲楚功其亦無能爲也已

言華氏不能復

爲宋患救宋而除其害又何求乃固請出之宋人從之

己巳宋華亥向寧華定華貜華登皇奄傷省臧士平

出奔楚

華貜已下五子不書非卿

宋公使公孫忌爲大司馬

代華費遂

邊印爲大司徒

印平公曾孫代華定

樂祁爲司城

祁子罕孫樂祁犁

仲

幾爲左師

幾仲江孫代向寧

樂大心爲右師

代華

樂輓爲大

司寇

輓子罕孫

以靖國人

終梓慎之言三年而後弭

穀梁

自宋南里者專也

專制南里

齊慶封衛公孟彊再奔皆不書必嘗入叛也而後

書譏佚賊也華向叛宋奔陳又自陳入宋披據國

都踰年復出奔楚往來三年出入自如此天下之

極變也其曰自宋南里者譏宋之釋有罪曰出奔

楚者罪楚之獎亂納叛而諸侯之大夫怠於救患  
畧而不書罪亦見矣

大蒐于昌閒

閒公羊  
作姦

穀梁傳秋而曰蒐此春也其曰蒐何也以蒐事也

何以書譏何譏爾公不與非禮也三綱軍政之本  
古者寓戎事於田狩以辨上下定民志非僅嫺馳  
射擊刺之末也今魯政在大夫公無軍行軍政之  
本亡矣何以蒐爲曰大志僭也言昌閒非蒐所也

夏四月乙丑天王崩

左傳

王子朝賓起有寵于景王

子朝景王之長庶子賓起子朝之傅

王與

賓孟說之欲立之

孟即起也王語賓孟欲立子朝爲大子

劉獻公之庶

子伯蚩事單穆公

獻公劉摯伯蚩劉狄穆公單旗

惡賓孟之爲人也

願殺之又惡王子朝之言以爲亂願去之

子朝有欲位之言故

劉蚩惡之

賓孟適郊見雄雞自斷其尾問之侍者曰自憚

其犧也

畏其爲犧牲奉宗廟故自殘毀

遽歸告王且曰雞其憚爲人

用乎人異于是

雞犧雖見寵飾然卒當見殺若人見寵飾則當貴盛故言異于是

犧



者實用人人犧實難已犧何害

犧者寵牲之名因以喻寵子言設使寵人

如寵犧則不宜假疎遠者以寵致反為己患惟所寵實已親屬則于己無害矣人喻子猛已喻子朝也

王弗應

十五年大子壽卒王立子猛後復欲立子朝而未定賓孟感難盛稱子朝王心許之故不

應夏四月王田北山使公卿皆從將殺單子劉子北

杜注洛北芒也一作邛山在今河南洛陽縣東北王知單劉不欲立子朝欲因田獵先殺之王有

心疾乙丑崩于榮錡氏

乙丑四月十九日榮錡杜注河南鞏縣西有榮錡澗今屬

河南河戊辰劉子摯卒

二十

無子單子立劉蚰

蚰獻公之

庶子事

單子故五月庚辰見王

見王

遂攻賓起殺之

黨子盟朝故

羣王子于單氏

附錄左傳

晉之取鼓也

在十五年

既獻而反鼓子焉

獻于廟

又叛

于鮮虞六月荀吳畧東陽

畧行也東陽杜注晉之山東邑魏郡廣平以北

使

師偽糴者負甲以息于昔陽之門外

昔陽故肥子所都

遂襲

鼓滅之以鼓子鳶鞮歸使涉佗守之

守鼓之地涉佗晉大夫

六月叔鞅如京師葬景王王室亂

如京師止此

左傳

丁巳葬景王王子朝因舊官百工之喪職秩者與

靈景之族以作亂

靈景之族靈王景王之子孫

帥郊要踐之甲以

逐劉子

郊要餞杜注三邑周地劉子伯金也

壬戌劉子奔揚

揚杜注周邑

單

子逆悼王于莊宮以歸

悼王子猛也

王子還夜取王以如

莊宮

王子還子朝黨不欲使單子得王猛故取之

癸亥單子出

失王故

王子

還與召莊公謀曰

莊公召伯與子朝黨

不殺單旗不捷

旗單子也

與

之重盟必來背盟而克者多矣從之樊頃子曰

頃子樊齊

單劉黨

非言也必不克遂奉王以追單子

王子還秦王

及領

大盟而復

領杜注周地重盟而還

殺摯荒以說

委罪于荒

劉子如劉

歸其采邑

單子亡乙丑奔于平時

知王子還欲背盟故平時杜注周地

羣王

子追之單子殺還姑發弱驪延定稠

八子靈景之族因戰殺之

朝奔京

其黨死故

丙寅伐之

單子伐京

京人奔山劉子入于王

城

子朝奔京故得入

辛未鞏簡公敗績于京乙亥甘平公亦

敗焉

甘鞏二公周卿士皆爲子朝所敗

叔鞅至自京師

冀景王還

言王室

之亂也閔馬父曰子朝必不克其所與者天所廢也

閔馬父閔子馬魯大夫天所廢謂羣喪職秩者

公羊傳

何言乎王室亂言不及外也

宮謂之室刺周內亂故變京師而言

王室

穀梁傳

亂之爲言事未有所成也

尹氏立子朝劉氏單氏立王猛俱未定也

三月而葬亂故也不曰京師亂者言京師則通乎  
上下言王室則其父兄弟自亂之亂自內作也  
惠襄之世不書王室亂者頽帶之亂周有君天下  
有王未足以言亂也景王崩王猛未能定其位子  
朝爭國是時周有兩天子其亂與頽帶異矣故特  
書之

劉子單子以王猛居于皇

皇杜注河南鞏縣西南有黃亭在今河南府

左傳單子欲告急于晉秋七月戊寅以王如平時遂如

圃車次于皇

出次以示急戊寅七月三日經書六月誤也圃車周地

公羊傳其稱王猛何當國也

穀梁傳

以者不以者也王猛嫌也

直言王猛不言王子是有當國之嫌

言劉單以王猛者猛位未定不能自立其進退在  
二子也臣不可以乎君然在單劉則無貶前言王  
室亂後言二子以王猛居于皇則二子有不得已  
焉者而非爲其私也于皇未得有京師也居者有

土當得位之稱不書出王者無外也

秋劉子單子以王猛入于王城

王城杜注邾鄆河南縣括地志城本周公所築

自平王以下都此至敬王乃遷都成周至赧王又居王城也在今河南洛陽縣城內西偏

左傳劉子如劉單子使王子處守于王城處子猛黨盟百工

于平宮

平宮平王廟

辛卯鄆肸伐皇

鄆肸子朝黨

大敗獲鄆肸

壬辰焚諸王城之市

焚鄆肸

八月辛酉司徒醜以王師

敗績于前城

醜悼王司徒前城杜注子朝所得邑服虔曰即泉戎地

百工叛司徒

醜敗

己巳伐單氏之宮敗焉

爲單氏所敗

庚午反伐之單氏

反伐辛未伐東園

百工所在東園杜注洛陽東南有園鄉

冬十月丁巳

晉籍談荀躒帥九州之戎及焦瑕溫原之師以納王

于王城

丁巳在十月經書秋誤九州戎陸渾戎十七年滅屬晉州鄉屬也五州爲鄉焦瑕溫原杜

注晉

四邑庚申單子劉蚩以王師敗績于郊

爲子朝之黨所敗前

城人敗陸渾于社

前城子朝東社杜注周地按黃河西自偃師界入鞏縣有五社渡

公羊

王城者何西周也其言入何篡辭也

穀梁

以者不以者也入者內弗受也

猛何以稱王蓋未踰年不可以稱天王又不可以



諸侯例稱子獨言子則似魯之子冠王於子又與  
他王子相亂故稱王繫猛乃嗣王未逾年之常稱  
無可疑也君前臣名劉單不名而王名者非王無  
以定一尊非名無以辨其人且在禮臨丈不諱况  
史冊所書以傳信於後世又非數奏文告之比也  
冬十月王子猛卒

左傳十一月乙酉王子猛卒

乙酉在十一月經書十月誤雖未即位周人諡曰悼

王不成喪也

釋所以不稱王崩

己丑敬王即位

敬王王子猛母弟王子匄

館于子旅氏

子旅周大夫

十二月庚戌晉籍談荀躒賈

辛司馬督

司馬

帥師軍于陰

籍談所軍

于侯氏

荀躒所軍

于谿

泉

賈辛所軍杜注鞏縣西南有明谿泉

次于社

司馬

督

王師軍于汜于

解次于任人

王師分在三邑解杜注洛陽西南有大解小解大解城在今洛陽縣南小解城

在縣西南

閏月晉箕遺樂徵右行詭濟師取前城

三子晉大夫濟

師渡伊洛

軍其東南王師軍于京楚

京楚子朝所在

辛丑伐京毀

其西南

公羊傳

此未踰年之君也其稱王子猛卒何不與當也

不當成其爲君

不與當者不與當父死子繼兄死弟及之辭

也

穀梁傳

此不卒者也

未成君也

其曰卒失嫌也

猛本有當國之嫌其卒則

失嫌故錄之

生則書王明實爲嗣死乃稱子正其爲天王未踰年之子尊未成也降成君故不言崩又不可言薨故通稱卒

十有二月癸酉朔日有食之

此月有庚戌又以長歷推校前後當爲癸卯朔書癸

西誤

二十有三年春王正月

附錄左傳

二十三年春王正月壬寅朔二師圍郊二師王師晉師

也圍郊在叔鞅卒前經書在後從赴

癸卯郊鄆潰鄆杜注河南鞏縣西南有地名鄆中郊鄆

二邑皆子朝所得

丁未晉師在平陰平陰杜注河南府孟津東城在河南府

王師在澤邑

澤邑賈逵曰澤即翟泉也

王使告閒子朝故庚戌還晉師

還

叔孫舍如晉

癸丑叔鞅卒

晉人執我行人叔孫舍

傳邾人城翼

翼杜注邾邑

還將自離姑

離姑杜注邾邑在令費縣南徙離姑

則道徑魯之武城

公孫鉏曰

鉏邾大夫

魯將御我欲自武城還循

山而南

至武城而還依山行不欲過武城

徐鉏丘弱茅地曰

三子邾大夫

道下

謂此山道下濕

遇雨將不出是不歸也遂自離姑

過武城

武城人塞其前斷其後之木而弗殊

殊絕也

邾師過之

乃推而蹶之

蹶仆也

遂取邾師獲鉏弱地

取邾師不害非公命邾

人愬于晉晉人來討叔孫舍如晉晉人執之書曰晉

人執我行人叔孫婼言使人也晉人使與邾大夫坐

坐訟曲直叔孫曰列國之卿當小國之君固周制也在禮卿得

會伯子男故曰當小國之君邾又夷也寡君之命介子服回在服

回魯大夫爲叔孫之介副請使當之不敢廢周制故也乃不果坐

韓宣子使邾人聚其衆將以叔孫與之與邾使執之叔孫

聞之去衆與兵而朝示欲以身死士彌牟謂韓宣子曰彌牟

士景伯子弗良圖而以叔孫與其讎叔孫必死之魯亡

叔孫必亡邾邾君亡國將焉歸子雖悔之何及所謂

盟主討違命也若皆相執焉用盟主

聽邾衆取叔孫是爲諸侯皆得

執相

乃弗與使各居一館

分別叔孫子服回

士伯聽其辭而

愬諸宣子乃皆執之

二子辭不屈故

士伯御叔孫從者四人

過邾館以如吏

欲使邾人見叔孫之屈辱

先歸邾子士伯曰以芻

蕘之難從者之病將館子于都

都別都謂箕也

叔孫旦而立

期焉

立待命也從旦至暮爲期

乃館諸箕舍子服昭伯于他邑

別因

之范獻子求貨于叔孫使請冠焉

以求冠爲辭

取其冠法

而與之兩冠曰盡矣

既送作冠模法又進二冠以與之偽若不解其意

爲叔

孫故申豐以貨如晉

欲行貨以免叔孫

叔孫曰見我吾告女

所行貨見而不出

雷申豐不使得出欲以貨免

吏人之與叔孫居

于箕者請其吠狗弗與及將歸殺而與之食之

示不愛

叔孫所館者雖一日必葺其牆屋去之如始至

不以當去

而有所毀壞

取邾師疆吏爲之耳季孫當國夙與邾讎故疆吏

承其意而啓釁焉乃蔽罪於行人晉政之無章甚



矣蓋三家惟叔孫氏尚不忘君故中軍作舍皆不  
與季氏同心意如將逐其君故惡君於晉并及叔  
孫而晉之疆臣爲之謀主遂明知叔孫無罪而橫  
加執辱耳

晉人圍郊

杜注  
周邑

公羊傳郊者何天子之邑也曷爲不繫于周不與伐天  
子也

郊子朝邑晉遣大夫助王圍郊而經以人書微之

也當是時天子蒙塵晉爲方伯不躬率諸侯以赴其急而徐遣大夫帥偏師往援是養亂也書晉人圍郊而不能勤王之罪見矣

附錄左傳

夏四月乙酉單子取訾劉子取牆人直人

三邑屬子

朝者訾杜注在河南鞏縣西南牆人今河南新安縣東北有白牆村疑即其處六月壬午王

子朝入于尹

尹杜注尹氏之邑今山西汾州有尹吉甫墓即古尹城也

癸未尹圉

誘劉佗殺之

尹國尹文公也劉佗劉食族敬王黨

丙戌單子徙阪道劉

子從尹道伐尹單子先至而敗劉子還

單子敗故

己丑召

伯奭南宮極以成周人成尹

二子周卿士子朝黨奭召莊公

庚寅單

子劉子樊齊以王如劉

辟子朝出居劉子邑

甲午王子朝入于

王城次于左巷

近東城

秋七月戊申鄆羅納諸莊宮

鄆羅

周大夫鄆肸之子

尹辛敗劉師于唐

尹辛尹氏族唐杜注周地後漢志洛陽有唐聚

在今洛陽縣東

丙辰又敗諸鄆甲子尹辛取西闡

西闡杜注周地

丙

寅攻蒯蒯潰

蒯敬王邑杜注河南縣西南蒯鄉是也在今洛陽縣西南于是敬王居狄泉尹

氏立子朝

夏六月蔡侯東國卒于楚

因朝於楚而卒也王父見殺父見用已乃結楚嬖臣以逐其君而又朝之三綱絕矣不書葬魯不會也

秋七月莒子庚輿來奔

左傳莒子庚輿虐而好劍苟鑄劍必試諸人國人患之

又將叛齊烏存帥國人以逐之烏存莒大夫庚輿將出聞

烏存執父而立於道左懼將止死苑羊牧之曰牧之亦莒

大夫君過之烏存以力聞可矣何必以弑君成名遂來

奔齊人納郊公

郊公著丘公之  
子十四年奔齊

庚輿入國不書而書其出以奔魯故志之於是齊人納郊公郊公出入皆不書微之也微之爲義或以國或以位或以人或以事春秋達王事若郊公之類名氏不登於史策者衆矣

戊辰吳敗頓胡沈蔡陳許之師于雞父胡子髡沈子逞

滅獲陳夏齧

父穀梁作甫逞公羊作楹穀梁作盈雞父杜注楚地安豐縣南有雞備亭今安豐故

城在江南壽州西南雞

備亭又在其城西南

左傳吳人伐州來楚遂越帥師及諸侯之師奔命救州

來

令尹以疾徙戎故遂越攝其事

吳人禦諸鍾離子瑕卒楚師燿

子瑕

即令尹不起所疾也吳楚之間謂火滅爲燿言其軍人無復氣勢

吳公子光曰諸侯

從于楚者衆而皆小國也畏楚而不獲已是以來吾

聞之曰作事威克其愛雖小必濟

克勝也軍事尚威

胡沈之

君幼而狂

狂無常

陳大夫齧壯而頑頓與許蔡疾楚政

楚令尹死其師燿帥賤多寵政令不壹

帥賤蓬越非正卿也軍多

寵人政令不壹于越

七國同役而不同心

七國楚頓胡沈蔡陳許

帥賤而

不能整無大威命楚可敗也若分師先以犯胡沈與

陳必先奔三國敗諸侯之師乃搖心矣諸侯乖亂楚

必大奔請先者去備薄威

示之以不整以誘之

後者敦陳整旅

敦厚吳子從之戊辰晦戰于雞父

七月二十九日達兵忌晦戰擊楚所

不意吳子以罪人三千先犯胡沈與陳

囚徒不習戰以示不整

三

國爭之吳爲三軍以繫于後中軍從王光帥右掩餘

帥左

掩餘吳王壽夢子

吳之罪人或奔或止三國亂吳師擊

之三國敗獲胡沈之君及陳大夫舍胡沈之囚使奔

許與蔡頓曰吾君死矣師譟而從之三國奔

三國許蔡頓

楚師大奔書曰胡子髡沈子逞滅獲陳夏齧君臣之

辭也

君社稷之主與宗廟共存亡者故稱滅大夫輕故曰獲獲得也

不言戰楚未陳

也

公羊傳此偏戰也曷爲以詐戰之辭言之不與夷狄之

主中國也

序上言戰別主客之直不直也今吳序上而言戰則主中國辭也

然則曷

爲不使中國主之中國亦新夷狄也

王室亂諸侯莫肯救則與吳無

以異其言滅獲何別君臣也君死于位曰滅生得曰獲



大夫生死皆曰獲不與夷狄之主中國則其言獲陳

夏鬻何吳少進也

能結日偏戰行少進故從中國辭治之

穀梁傳

中國不言敗此其言敗何也中國不敗胡子髡

沈子盈其滅乎其言敗釋其滅也

若師不敗則獲陳君無由滅也

夏鬻獲者非與之辭也上下之稱也

君曰滅臣曰獲君臣之稱

楚以諸侯之師與吳戰六國先敗楚師遂奔故不

書楚諸侯之師畧而不序者頓胡沈則君將陳蔡

許則大夫將言戰則未陳言敗績則滅獲不同故

總言吳以詐取勝於前而以君與大夫序六國於後或曰滅或曰獲別君臣也國君社稷之主與宗廟共存亡是以稱滅大夫輕故言獲獲生得也

天王居于狄泉尹氏立王子朝

狄泉杜注洛陽城內大倉西南池水也時在城

外定元年城成周乃繞之入城亦曰翟泉在洛陽縣東故洛陽城中今煙

公羊傳此未三年其稱天王何著有天子也

穀梁傳始王也其曰天王因其居而王也

天子踰年即位稱王

敬王踰年而出故曰始王雖不在國行即位之禮王者以天下爲家故居于狄泉稱王

立者

不宜立者也朝之不名何也別嫌乎尹氏之朝也

但若

言尹氏立朝則嫌朝是尹氏之子故言王子以別之

敬王王猛之母弟得繼正統時景王崩已踰年故稱天王以明其正狄泉在王城東直稱天王居于狄泉而不言立者著天下有王矣立者不宜立也天下既有王則尹氏不宜立子朝也稱立而目尹氏蓋曰獨尹氏所欲立異於石碯立晉而書衛人以著其爲衆人所欲立也朝已僭號猶稱王子言

莫之君也傳稱尹圉而經書尹氏著世卿之擅權  
亂國爲後戒也

八月乙未地震

左傳八月丁酉南宮極震

經書乙未地震魯地也丁酉南宮極震周地亦震也爲屋

所歷而死萇弘謂劉文公曰君其勉之先君之力可濟也

文公劉蚠先君謂蚠之父獻公也獻公欲立子猛未及而卒

周之亡也其三川震

謂幽王時三川涇渭洛水也地動川岸崩

今西王之大臣亦震天棄之矣

子朝在王城故謂西王

東王必大克

敬王居狄泉在王城之東故曰東王

附錄左傳

楚大子建之母在郢

郢杜注郢陽也蔡邑應在令新蔡境平王娶秦女廢

大子建故母歸其家

召吳人而啓之冬十月甲申吳大子諸樊

入郢

杜注諸樊吳王僚之太子按吳子過號諸樊王僚是過之弟子先儒又以爲過弟何容僚子乃

取過號爲名恐傳寫之誤

取楚夫人與其寶器以歸夫人建母楚司

馬遠越追之不及將死衆曰請遂伐吳以徼之遠越

曰再敗君師死且有罪

此年秋敗于雞父設往復敗爲再敗

亡君夫人

不可以莫之死也乃縊于蘧蒢

蘧蒢杜注楚地在令湖廣京山縣境

冬公如晉至河有疾乃復

至河下公羊穀梁又有公字

左傳 公爲叔孫故如晉及河有疾而復

此年春晉爲鄆人執叔孫故公

如晉請之

公羊傳

何言乎公有疾乃復殺恥也

因有疾以殺畏晉之恥

穀梁傳

疾不志此其志何也釋不得入乎晉也

昭公兩朝晉而一見止五如晉而四不得入今復

如晉爲叔孫請也公知季孫構已於晉往必不納

故託疾以返蓋至是而意如與公有不能竝立之

勢矣明年公孫不之晉而之齊蓋稔知晉之彊家

與意如之交甚固耳

附錄

左傳楚囊瓦爲令尹

囊瓦子囊之子常也代陽句

城郢

楚用子囊遺言已築

郢城矣令畏吳

復增修以自固沈尹戌曰子常必亡郢苟不能衛城

無益也古者天子守在四夷

德及遠

天子卑守在諸侯

諸侯守在四鄰

鄰國爲之守

諸侯卑守在四竟

裁自

慎其

四竟結其四援民狎其野

狎安習也

三務成功

春夏秋三時之務

民無內憂而又無外懼國焉用城今吳是懼而城于

郢守已小矣卑之不獲能無亡乎

不獲守四竟

昔梁伯溝

其公宮而民潰

在僖十八年

民棄其上不亡何待夫正其

疆場修其土田險其走集

走集追竟之壘壁

親其民人明其

伍候

使民有部伍相爲候望

信其鄰國慎其官守守其交禮

交接

之不僭不貪不懦不耆

耆強也

完其守備以待不虞又

何畏矣詩曰無念爾祖聿修厥德

詩大雅無念念也義取念祖考則述

治其德以顯之

無亦監乎若敖蚡冒至于武文

四君皆楚先君之賢者

土不過同

方百里爲一同

慎其四竟猶不城郢今土數圻

千方

圻爲圻

而郢是城不亦難乎

爲定四年吳入楚傳



二十有四年春

附錄左傳

二十四年春王正月辛丑召簡公南宮嚳以甘

桓公見王子朝

簡公召莊公之子召伯盈也嚳南宮極之子桓公甘平公之子劉子

謂萇弘曰甘氏又往矣對曰何害同德度義大誓曰

紂有億兆夷人亦有離德余有亂臣十人同心同德此周所以興也君其務德無患無人戊午王子朝入

于鄔

鄔杜注醵氏西南有鄔聚

王二月丙戌仲孫矍卒

叔孫舍至自晉

左氏穀梁無叔孫字

左傳晉士彌牟逆叔孫于箕

將禮而歸之

叔孫使梁其蹏待

于門內

蹏叔孫家臣

曰余左顧而欬乃殺之

疑士伯來殺已故謀殺之

右顧而笈乃止叔孫見士伯士伯曰寡君以爲盟主

之故是以久子

以久執子以謝邾

不腆敝邑之禮將致諸從者

使彌牟逆吾子叔孫受禮而歸二月媼至自晉尊晉

也

賤媼族所以尊晉媼行人故不言罪已

穀梁傳

大夫執則致致則挈由上致之也

上謂宗廟也致臣于廟則

直挈其名而已  
所謂君前臣名

嫗之至二傳皆去氏公羊獨書氏所傳授異耳疏  
公羊者以爲意如有罪故去其氏叔孫無罪故無  
貶文胡氏安國主其說義似可從蓋嫗之見執實  
非其罪而以禮自衛終不辱國固不可與意如同  
也

附錄  
左傳

三月庚戌晉侯使士景伯涖問周故

就問于朝  
敬王知誰

曲直士伯立于乾祭而問于介衆

乾祭王城北  
門介大也

晉人乃

辭王子朝不納其使

以衆言子朝曲故

夏五月乙未朔日有食之

左傳

夏五月乙未朔日有食之梓慎曰將水

陰勝陽故曰將水

昭子曰旱也日過分而陽猶不克克必甚能無旱乎

過春分陽氣盛時而不勝陰陽將猥出故爲旱陽不克莫將積聚也

陽氣莫然不動

乃將積聚

附錄左傳

六月壬申王子朝之師攻瑕及杏皆潰

瑕杏敬王邑

鄭伯如晉子大叔相見范獻子獻子曰若王室何

對曰老夫其國家不能恤敢及王室抑人亦有言曰

釐不恤其緯

釐寡婦也織者常苦緯少釐婦所宜憂

而憂宗周之隕爲

將及焉

恐禍及已

今王室實蠹蠹焉

蠹蠹動擾貌

吾小國懼矣

然大國之憂也吾儕何知焉吾子其早圖之詩曰鉶

之罄矣惟壘之恥

詩小雅壘大器鉶小器常稟于壘者而所受罄盡則壘爲無餘故恥

之王室之不寧晉之恥也獻子懼而與宣子圖之

宣子

韓起乃徵會于諸侯期以明年

爲明年會黃父傳

秋八月大雩

左傳秋八月大雩旱也終如叔孫之言

丁酉杞伯郁釐卒

郁公羊作鬱

附錄冬十月癸酉王子朝用成周之寶珪于河禱河求福

甲戌津人得諸河上珪自出陰不佞以溫人南侵不佞敬王

大夫晉以溫兵助王南侵子朝拘得玉者取其玉將賣之則爲石王

定而獻之與之東訾喜得玉故東訾杜注鞏縣西南有訾店訾城是也今鞏縣

以有西訾故言東以別之

冬吳滅巢

左傳楚子爲舟師以畧吳疆沈尹戌曰此行也楚必亡

邑不撫民而勞之吳不動而速之也速召吳踵楚而疆

場無備踵躡楚後邑能無亡乎越大夫胥豸勞王于豫章

之汭汭水曲越公子倉歸王乘舟倉及壽夢帥師從王

壽夢越大夫王及圍陽而還圍陽杜注楚地吳人踵楚而邊人不

備遂滅巢及鍾離而還鍾離不書告敗畧沈尹戌曰亡郢之

始于此在矣王壹動而亡二姓之帥二姓之帥守巢鍾離大夫幾

如是而不及郢詩曰誰生厲階至今爲梗詩大雅厲惡階道梗

也病其王之謂乎

爲定四年  
吳入郢傳

巢楚屬國而近吳吳將謀楚故先翦其與國與國  
盡則及於楚此入郢之漸也杜氏預以巢爲楚邑  
非也勝國曰滅獲邑曰取國大而邑輕不可同辭  
葬杞平公

二十有五年春叔孫舍如宋

左傳二十五年春叔孫婁聘于宋桐門右師見之

右師樂大

心居桐門語卑宋大夫而賤司城氏

司城氏樂氏之大宗也卑賤謂其才德薄



昭子告其人曰右師其亡乎君子貴其身而後能及

人是以有禮

唯禮可以貴身  
貴身故尚禮

今夫子卑其大夫而賤

其宗是賤其身也

賤人人亦賤已

能有禮乎無禮必亡宋公

享昭子賦新宮

逸詩

昭子賦車轄

詩小雅周人思得賢  
女以配君子昭子將

爲季孫逆宋  
公女故賦之

明日宴飲酒樂宋公使昭子右坐

坐宋  
公右

以相近言  
改禮坐

語相泣也樂祁佐

助宴禮

退而告人曰今茲

君與叔孫其皆死乎吾聞之哀樂而樂哀

可樂而哀  
可哀而樂

皆喪心也心之精爽是謂魂魄魂魄去之何以能久

爲此冬叔孫  
宋公卒傳

李公若之姊爲小邾夫人  
平子庶姑  
與公若同

母故曰生宋元夫人  
外姊生子以妻季平子昭子如  
公若姊

宋聘且逆之公若從  
從昭謂曹氏勿與  
曹氏宋元夫人魯將

逐之曹氏告公公告樂祁樂祁曰與之如是魯君必

出政在季氏三世矣  
文子武子平子魯君喪政四公矣  
宣成襄昭

無民而能逞其志者未之有也國君是以鎮撫其民

詩曰人之云亡心之憂矣  
詩大雅言無人則憂患至魯君失民矣

焉得逞其志靖以待命猶可動必憂  
爲下公孫傳

此季孫意如將娶于宋而舍爲之納聘且逆婦也  
國君逆女則使卿今意如以己私婚遣公室之正  
卿則名雖爲臣而實行魯君之事其專恣不臣甚  
矣尚何待昭公孫齊而後擅魯哉

夏叔詣會晉趙鞅宋樂大心衛北宮喜鄭游吉曹人邾

人滕人薛人小邾人于黃父

詣公羊穀梁作倪後同大  
心公羊作世心後同黃父

即黑壤  
晉地

左夏會于黃父謀王室也趙簡子令諸侯之大夫輸

王粟具成人

簡子既鞅

曰明年將納王

納王于王城

子大叔見

趙簡子簡子問揖讓周旋之禮焉對曰是儀也非禮

也簡子曰敢問何謂禮對曰吉也聞諸先大夫子產

曰夫禮天之經也

經者道之常

地之義也

義者利之宜

民之行

也

行者人所履

天地之經而民實則之則天之明

日月星辰天之

明因地之性

高下剛柔地之性

生其六氣

謂陰陽風雨晦明

用其五

行

金木水火土

氣爲五味

酸醎甘苦

發爲五色

青黃赤白黑

章爲

五聲

宮商角徵羽

淫則昏亂民失其性

滋味聲色過則傷性

是故爲

禮以奉之爲六畜五牲三犧以奉五味

六畜馬牛羊雞犬豕五牲

麋鹿麋狼兔三犧祭天地宗廟三者謂之犧

爲九文六采五章以奉五色

九文謂山龍華蟲宗彝藻火粉米黼黻也六采畫績之事雜用天地四方之色青與白赤與黑玄與黃皆相次謂之六色五章青與赤謂之文赤與白謂之章白與黑謂之黼黑與青謂之黻五色備謂之繡爲

九歌八風七音六律以奉五聲爲君臣上下以則地

義

君臣有尊卑法地有高下

爲夫婦外內以經二物

夫治外婦治內各治其物

爲父子兄弟姊妹甥舅昏媾姻亞以象天明

六親和睦以事

嚴父若衆星之拱辰極也妻父曰昏重昏曰媾婿父曰姻兩婿相謂曰亞

爲政事庸力行

務以從四時

在君爲政在臣爲事民功曰庸治功曰力行其德教務其時要禮之本也爲

刑罰威獄使民畏忌以類其震曜殺戮

雷震電曜天之威也聖人

作刑戮以象之

爲溫慈惠和以效天之生殖長育民有好惡

喜怒哀樂生于六氣

此六者皆稟陰陽風雨晦明之氣

是故審則宜

類以制六志

爲禮以制好惡喜怒哀樂六志使不過節

哀有哭泣樂有歌

舞喜有施舍怒有戰鬪喜生于好怒生于惡是故審

行信令禍福賞罰以制死生生好物也死惡物也好

物樂也惡物哀也哀樂不失乃能協于天地之性是

以長久簡子曰甚哉禮之大也對曰禮上下之紀天

地之經緯也

經緯錯居以相成者

民之所以生也是以先王尚

之故人之能自曲直以赴禮者謂之成人

曲直以弼其性

大

不亦宜乎簡子曰鞅也請終身守此言也宋樂大心

曰我不輸粟我于周爲客若之何使客晉士伯曰自

踐土以來宋何役之不會而何盟之不同曰同恤王

室子焉得辟之子奉君命以會大事而宋背盟無乃

不可乎右師不敢對受牒而退士伯告簡子曰宋右

師必亡奉君命以使而欲背盟以干盟主無不祥大

焉

言不善無大此者爲定  
十年宋樂大心出奔傅

王室之亂四年諸侯無一念及者至是晉以鄭游  
吉之語赧然內慚始合諸大夫謀之而方是時大  
夫皆謀弱公室以私便身圖安知勤王之義哉雖  
勉從人言爲會以塞天下之議而期以來年及來  
年王入成周子朝奔楚晉與諸國無見焉則空有  
此會而諸大夫之罪不待貶而著矣



有鸛鵒來巢

鸛公羊作鵒

左傳有鸛鵒來巢書所無也師已曰師已魯大夫異哉吾聞

文成之世童謠有之曰鸛之鵒之公出辱之言鸛鵒來則公

出辱也鸛鵒之羽羽飛貌公在外野往饋之馬鸛鵒跕跕

跕跕跳行貌公在乾侯徵寨與襦寨襦鸛鵒之巢遠哉遙遙

稠父喪勞宋父以驕稠父昭公死外故喪勞鸛鵒鸛

鵒往歌來哭昭公生出歌死還哭童謠有是令鸛鵒來巢其將

及乎將及禍也

公羊傳

何以書記異也何異爾非中國之禽也宜穴又

巢也

穀梁傳

一有一亡曰有來者來中國也鸛鵒穴者而曰

巢或曰增之也

如增言巢爾其實不巢也

考工記曰鸛鵒不踰濟魯在汶南其所本無今忽

有之故書曰有又其物穴處今而巢居陰當陽位

臣逐君象也使昭公能以德消異則無其應矣

秋七月上辛大雩季辛又雩

左傳秋書再雩旱甚也

公羊傳又雩者何又雩者非雩也聚衆以逐季氏也

穀梁傳季者有中之辭也又有繼之辭也

中中辛緣有上辛大雩故

言又也

季辛不言大蒙上文也旱既大甚因一月再雩而

志其僭且數也

九月己亥公孫于齊次于陽州

己亥穀梁作乙亥陽公羊作楊陽州杜注齊魯

竟上邑今山東東平州東北有陽州城是也

傳初季公鳥娶妻于齊鮑文子生申

公鳥季公亥之兄平子庶叔

公鳥死季公亥與公思展與公鳥之臣申夜姑相其

室

公亥即公若展季氏族

及季姒與饗人檀通而懼

季姒即文子女饗人

食官檀名

乃使其妾扶已以示秦遄之妻曰

秦遄魯大夫妻公鳥妹

公若欲使余余不可而扶余又訴于公甫曰

公甫平子弟

展與夜姑將要余

要刳我以非禮

秦姬以告公之

公之亦平子弟

之與公甫告平子平子拘展于卞而執夜姑將殺之

公若泣而哀之曰殺是是殺余也將爲之請平子使

豎勿內日中不待請有司逆命

請殺生之命

公之使速殺

之故公若怨平子季郈之雞鬪

季平子郈昭伯二家相近故雞鬪

季

氏介其雞

介甲也爲雞著甲

郈氏爲之金距平子怒

怒不益下己

宮于郈氏

侵其室以自益

且讓之故郈昭伯亦怨平子臧昭

伯之從弟會

昭伯臧爲子

爲讒于臧氏而逃于季氏臧氏

執旃平子怒拘臧氏老將禘于襄公萬者二人其衆

萬于季氏

萬舞也于禮公當三十六人

臧孫曰此之謂不能庸先

君之廟

不能用禮也

大夫遂怨平子公若獻弓于公爲

爲公

昭公子  
務人

且與之出射于外而謀去季氏公爲告公果

公賁

果賁皆  
公爲弟

公果公賁使侍人僚祖告公公寢將以

戈擊之

佯怒

乃走公曰執之亦無命也

獨言執之  
無殺命

懼而

不出數月不見公不怒又使言公執戈以懼之乃走

又使言公曰非小人之所及也

小人謂  
僚祖

公果自言公

以告臧孫臧孫以難

言難  
逐

告郈孫郈孫以可勸告子

家懿伯

名羈莊  
公玄孫

懿伯曰讒人以君徼幸事若不克君

受其名

受惡  
名

不可爲也舍民數世以求克事不可必

也且政在焉其難圖也公退之

退使去

辭曰臣與聞命

矣言若洩臣不獲死乃館于公

恐受洩命之罪故畱公宮以自明

叔

孫昭子如闕

闕杜注魯邑

公居于長府

長府官府名

九月戊戌

伐季氏殺公之于門遂入之平子登臺而請曰君不

察臣之罪使有司討臣以干戈臣請待于沂上以察

罪

沂上杜注魯城南有沂水

弗許請囚于費弗許請以五乘亡弗

許子家子曰君其許之政自之出久矣隱民多取食

焉

隱約竊田

爲之徒者衆矣日入慝作弗可知也

慝姦惡也日冥

姦人將起叛君衆怒不可蓄也季氏蓄而弗治將蘊

也蘊積蘊蓄民將生心生心同求將合與季氏同君必

悔之弗聽郈孫曰必殺之公使郈孫逆孟懿子懿子仲孫

忌叔孫氏之司馬驪戾言于其衆曰若之何莫對又

曰我家臣也不敢知國凡有季氏與無于我孰利皆

曰無季氏是無叔孫氏也驪戾曰然則救諸帥徒以

往陷西北隅以入陷公公徒釋甲執冰而踞冰積丸

積丸是箭筈其蓋可遂逐之逐公孟氏使登西北隅

以取飲言無戰心也



以望季氏見叔孫氏之旌以告孟氏執郈昭伯殺之  
于南門之西遂伐公徒子家子曰諸臣僞劫君者而  
負罪以出君止

諸臣謂公若等使若非公本意君自可止不出

意如之事君

也不敢不改公曰余不忍也與臧孫如墓謀

辭先君且謀所奔

遂行己亥公孫于齊次于陽州

穀梁孫之爲言猶孫也諱奔也次止也

內諱奔曰孫不忍斥言故隱之書次以公去國失  
其所也陽州齊魯境上邑將求援於齊未敢直前

故野次以待命也夫季氏之惡極矣說者謂昭公不知威權去已而逞一朝之忿欲驟正之求凶之道以是咎公固然然於意如逐君篡國之愆反一無所責若本無罪而祇爲公譏者則大失是非之正滅人紀矣

齊侯唁公于野井

野井杜注濟南祝阿縣東有野井亭在今齊河縣東濟河北岸

左傳齊侯將唁公于平陰公先至于野井齊侯曰是寡

人之罪也使有司待于平陰爲近故也

平陰齊地齊侯自咎本不

敕有司遠詣陽州而欲近會于平陰故令魯書曰公  
侯過共先至野井遠來迎己自責以謝公

孫于齊次于陽州齊侯唁公于野井禮也將求于人

則先下之禮之善物也

物事也謂先往至野井

齊侯曰自苦疆

以西請致千社

社二十五家為社千社二萬五千家

以待君命

待君伐季氏之

命寡人將帥敝賦以從執事唯命是聽君之憂寡人

之憂也公喜子家子曰天祿不再天若胙君不過周

公以魯足矣失魯而以千社為臣

臣為齊

誰與之立且

齊君無信不如早之晉弗從臧昭伯率從者將盟載

書曰戮力壹心好惡同之信罪之有無

信明也處者有罪從者無

罪繾繾從公

繾繾不離散

無通外內以公命示子家子子

家子曰如此吾不可以盟羈也不佞不能與二三子

同心而以爲皆有罪

從者陷君留者逐君皆有罪也

或欲通外內

通外

內之言彼此解說

且欲去君

去君僞負罪出奔不必繾繾從公

二三子好亡

而惡定焉可同也陷君子難罪孰大焉通外內而去

君君將速入弗通何爲而何守焉

何必守公

乃不與盟

公羊傳

唁公者何昭公將弑季氏

言弑誤

告子家駒曰季

氏爲無道僭于公室久矣吾欲弑之何如子家駒曰

諸侯僭于天子大夫僭于諸侯久矣昭公曰吾何僭

矣哉子家駒曰設兩觀

禮天子外闕兩觀諸侯內闕一觀

乘大路

禮

子大路諸侯路車大夫大車士飾車

朱干玉戚以舞大夏

干楯也朱飾楯戚斧也

以玉飾斧大夏夏樂周所以舞夏樂者王者始起未制作之時取先王之樂與己同者假以風化天下天

下大同乃自作樂取夏樂者與周俱文也

八佾以舞大武此皆天子之禮

也且夫牛馬維婁

繫馬曰維繫牛曰婁

委已者也而柔焉

委食已者

柔順也言牛馬猶順餽己之人喻民受季氏惠自當從之

季氏得民衆久矣君無

多辱焉昭公不從其言終弑而敗焉走之齊齊侯唁

公于野井曰奈何君去魯國之社稷昭公曰喪人不

佞失守魯國之社稷執事以羞謙自比齊下執事言以羞及君再拜

顙謝見慶子家駒曰

慶賀也

慶子免君于大難矣子家

駒曰臣不佞陷君于大難君不忍加之以鈇鑕賜之

以死再拜顙高子執簞食與四脰脯屈曰脰國子執

壺漿曰吾寡君聞君在外餒饗未就餒熟食饗熟肉未就未成也

敢致糗于從者昭公曰君不忘吾先君延及喪人錫

之以大禮再拜稽首以祗受

衽衣下裳當前者高子之器謙不敢求索

曰有夫不祥

猶曰人皆

君無所辱大禮

禮臣受君賜答拜謂之拜

命之辱高子見昭公拜辱大卑故曰君無所辱大禮

昭公蓋祭而不嘗

食必祭示有所

先不嘗待禮讓也

景公曰寡人有不腆先君之服未之敢服

有不腆先君之器未之敢用敢以請昭公曰喪人不

佞失守魯國之社稷執事以羞敢辱大禮敢辭景公

曰寡人有不腆先君之服未之敢服有不腆先君之

器未之敢用敢固以請昭公曰以吾宗廟之在魯也

有先君之服未之能以服有先君之器未之能以出  
敢固辭景公曰寡人有不腆先君之服未之敢服有  
不腆先君之器未之敢用請以饗乎從者昭公曰喪  
人其何稱

行禮賓主當各有所稱昭公失國不敢仍故稱故謙而問之

景公曰孰

君而無稱昭公于是噉然而哭

噉然哭聲感景公言而自傷

諸大

夫皆哭既哭以人爲菑

菑周埵垣也所以別內外衛威儀也以辟爲席

辟車覆筴以鞍爲几以遇禮相見

以諸侯出相遇之禮相見孔子曰其

禮與其辭足觀矣

言外譏之



穀梁傳 弔失國曰唁唁公不得入于魯也

凡言皆造其所居公方孫齊求援故齊侯以唁爲名而寔拒公之適已也書齊侯唁非與其能唁也譏其無救災恤患之實徒行虛禮而誠不在焉耳

冬十月戊辰叔孫舍卒

左傳 昭子自闕歸見平子平子稽顙曰子若我何昭子曰人誰不死子以逐君成名子孫不忘不亦傷乎將若子何平子曰苟使意如得改事君所謂生死而肉

骨也昭子從公子齊與公言子家子命適公館者執

之

恐從者知叔孫謀

公與昭子言于幄內曰將安衆而納公

公徒將殺昭子伏諸道左師展告公

展魯大夫

公使昭子

自鑄歸

辟伏兵

平子有異志

不欲復納公

冬十月辛酉昭子

齊于其寢使祝宗祈死戊辰卒

恥爲平子所欺故祈而自殺

左師

展將以公乘馬而歸

欲與公俱輕歸

公徒執之

昭公之禍原於叔孫氏之司馬婁果憤意如見欺

即宜正驪戾之罪而誅之以剪季氏之羽翼而徐

爲之圖令乃付之無可奈何之命則非忠矣至祈  
死之說本不可信此年春姑聘宋與宋公對語而  
泣樂祈已知其魂魄去矣何侍於祈哉

附錄

左傳壬申尹丈公涉于鞏焚東訾弗克

文公子朝黨于鞏縣涉洛

水也東訾杜注敬王邑

十有一月己亥宋公佐卒于曲棘

曲棘杜注宋地陳畱外黃縣城中有曲棘

里當在今河南杞縣境

左傳十一月宋元公將爲公故如晉

請納公

夢大子欒即

位于廟已與平公服而相之

樂元公子平旦召六卿公元公父

公曰寡人不佞不能事父兄

父兄謂華向

以爲二三子憂

寡人之罪也若以羣子之靈獲保首領以歿唯是偏

柩所以藉幹者

偏柩棺中苓牀也幹骸骨也

請無及先君

欲自貶損

仲

幾對曰君若以社稷之故私降昵宴羣臣弗敢知

昵近

也降昵宴謂損聲樂飲食之事

若夫宋國之法死生之度先君有命

矣羣臣以死守之弗敢失隊臣之失職常刑不赦臣

不忍其死君命祇辱

言君命必不行祇適也

宋公遂行己亥卒

于曲棘

公羊傳

曲棘者何宋之邑也諸侯卒其封內不地此何

以地憂內也

時聞昭公見逐欲納之故曰憂內

穀梁傳

邠公也

邠謀也

曲棘宋地諸侯以境內爲家故行而卒於境內者  
不書其地蓋以爲常事而告辭不及也宋元公以  
公故將如晉以謀納公故告辭獨詳而載於冊書  
夫元公之女爲意如妻乃能不昵私愛急於正倫

恤患賢於當時諸侯遠矣故不削其卒地以別之

十有二月齊侯取鄆

左

傳十二月庚辰齊侯圍鄆

欲取以居公

公羊

傳外取邑不書此何以書爲公取之也

穀梁

傳取易辭也內不言取以其爲公取之故易言之

也

鄆魯邑書齊侯取之何也齊不自取而爲公取鄆使居之蓋無意於納公也使齊侯移圍鄆之師直

指魯郊執意如而歸之京師復昭公於魯則義聲振於天下矣乃不能討賊以正大義而姑取鄆以塞己責故書以譏之胡氏安國乃謂公已絕於魯而見逐於季氏爲不君此害義之言非經指也

附錄左傳

初臧昭伯如晉臧會竊其寶龜僂句

會昭伯從弟僂句龜

所出地名

以卜爲信與僭

僭信也

僭吉臧氏老將如晉問

昭問

伯起居

會請往

代家老行

昭伯問家故

故事也

盡對及內子與

母弟叔孫則不對

內子昭伯妻不對若有他故

再三問不對歸及

郊會逆問又如初至次于外而察之皆無之執而戮

之逸奔郈鮒假使爲賈正焉

郈杜注在東平無鹽縣東南今山東東平

州東四十里有郈城鮒假郈邑大夫賈正掌貨物若市吏

計于季氏

送季簿

臧氏使

五人以戈楯伏諸桐汝之間

注桐汝杜里名

會出逐之反奔

執諸季氏中門之外平子怒曰何故以兵入吾門拘

臧氏老季臧有惡

相怨惡

及昭伯從公平子立臧會

立

爲臧氏後

會曰僕句不余欺也

言不信果驗

楚子使遂射城

州屈復茹人焉

還復茹人于州屈

城丘皇遷訾人焉

遷訾人于丘皇



使熊相祿郭巢季然郭卷


使二大夫爲巢卷築郭也  
卷杜注卷城在南陽葉縣

南今河南葉縣西南  
有建城故城即其地

子太叔聞之曰楚王將死矣使

民不安其土民必憂憂將及王弗能久矣

爲明年楚  
子居卒傳



日講春秋解義卷五十四

欽定四庫全書

經部

日講春秋解義卷五十五

六十五

詳校官監察御史臣莫瞻菴

給事中臣溫常綬覆勘

覆校官中書臣田尹衡

校對官中書臣袁文邵

謄錄監生臣周元濬

欽定四庫全書

日講春秋解義卷五十五

昭公

二十有六年春王正月

附錄左傳

二十六年春王正月庚申齊侯取鄆

葬宋元公

左傳

葬宋元公如先君禮也

善宋人違命以合禮

昭公在外而魯於諸侯之喪每遣使會葬則意如

之專魯與君無異矣

三月公至自齊居于鄆

左傳三月公至自齊處于鄆言魯地也

穀梁傳公次于陽州其曰至自齊何也公但至陽州未至齊以齊

侯之見公可以言至自齊也居于鄆者公在外也至

自齊道義不外公也君雖在外猶以在國之禮錄之是崇君之道

公來自野井初未及齊國都而曰至自齊野井齊地故也入魯境故書至猶在外故書地居者有其

土地人民之稱若曰魯地非意如之所得有所以  
存公也鄭伯突失國而取櫟以居衛侯衎失國而  
取夷儀以居皆書曰入此不言入內辭也爲尊者  
親者諱使若適他國而返居於鄆存一國之防也  
夏公圍成

左傳夏齊侯將納公命無受魯貨申豐從女賈

豐賈二人皆季

氏家

以幣錦二兩

二丈爲一端二端爲一兩所謂匹也二兩二疋

縛一如瑱

瑱充耳縛卷也急卷使如充耳易懷藏

適齊師謂子猶之人高齋

子猶梁丘

據齎子

猶家臣能貨子猶爲高氏後粟五千庾

言若能爲行貨于子猶當

爲請使得爲高氏後又當致粟五千庾庾十六斗凡八十斛

高齎以錦示子猶子

猶欲之齎曰魯人買之百兩一布

布陳之以百兩爲數言買此甚多

以道之不通先入幣財

財猶材也

子猶受之言于齊侯曰

羣臣不盡力于魯君者非不能事君也然據有異焉

異猶怪也

宋元公爲魯君如晉卒于曲棘叔孫昭子求納

其君無疾而死

俱在前年

不知天之棄魯耶抑魯君有罪

于鬼神故及此也君若待于曲棘使羣臣從魯君以

卜焉若可師有濟也君而繼之茲無敵矣若其無成

君無辱焉齊侯從之使公子鉏帥師從公鉏齊大夫成大

夫公孫朝謂平子曰有都以衛國也請我受師以成邑禦

齊師許之請納質弗許曰信女足矣告于齊師曰孟氏

魯之敝室也用成已甚弗能忍也請息肩于齊公孫朝詐

齊師言欲降使來取成齊師圍成成人伐齊師之飲馬于淄者

曰將以厭衆以厭衆心不欲使知已降也淄杜注水出泰山梁父縣西北入汶漢梁父在今

泗水縣北魯成備而後告曰不勝衆告齊言衆不欲降已不能勝師及



齊師戰于炊鼻

季氏師拒公炊鼻杜注魯地

齊子淵捷從洩聲子

聲子魯大夫

射之中楯瓦

瓦楯脊

繇胸汰輶七入者三寸

入楯

瓦也胸車輶輶車輶繇過也汰矢激七矢鏃也

聲子射其馬斬鞅殪改駕人

以爲馵戾也而助之

人魯人也馵戾叔孫氏司馬

子車曰齊人也

子車即淵捷

將擊子車子車射之殪其御曰又之

又欲使射餘人

子車曰衆可懼也而不可怒也子囊帶從野洩叱之

囊帶齊大夫野洩即聲子

洩曰軍無私怒報乃私也將亢子又叱

之子囊亦叱之

野洩亦叱也言齊無戰心但相叱

冉豎射陳武子中

手

冉豎季氏臣  
武子陳子彊

失弓而罵

武子罵

以告平子曰有君子

白皙鬢鬚眉甚口平子曰必子彊也無乃亢諸對曰

謂之君子何敢亢之

偽言不敢  
違季氏

林雍羞爲顏鳴右下

皆魯人羞爲  
右故下車戰

苑何忌取其耳

何忌齊大夫

顏鳴去之

其右見獲

懼而去之

苑子之御曰視下顧

復欲使苑子擊其足

苑子刺林雍斷

其足鑿而乘于他車以歸

刺砍也鑿一足行

顏鳴三入齊師

呼曰林雍乘

言魯人皆致力于季氏不以私怨而相棄

穀梁

非國不言圍所以言圍者以大公也

崇大其事

齊侯謀納公使公子鉏帥師圍成不書公以齊師而直曰公圍成惡齊受季氏之賂雖得其師不足以也春秋凡公出在境內而返不書至定公在國而致圍成所以著公之危弱攻私邑如敵國也昭公已去國而不致圍成者所以存公如公之在國也然昭公既孫自他國返必書至惟自圍成而復居於鄆不言至亦以示內外之別耳

附錄  
左傳

四月單子如晉告急五月戊午劉人敗王城之

師于尸氏

劉人劉蚩之屬王城子朝之徒尸氏杜注在鞏縣西南偃師城漢志偃師有尸鄉今

河南偃師縣西南新蔡鎮即古尸鄉也

戊辰王城人劉人戰于施谷

施谷

杜注周地劉師敗績

秋公會齊侯莒子邾子杞伯盟于鄆陵

鄆公羊作鄆鄆陵杜注地闕

左傳秋盟于鄆陵謀納公也

霸統既絕參盟復作此齊景假納公之名以糾合

也十六年齊徐邾莒嘗盟于蒲隧十九年宋邾鄆

嘗盟于蟲則諸侯固有不待霸主而自盟會者矣

至是始書以晉不復能有諸侯也晉不主盟而後  
齊專盟矣

公至自會居于鄆

穀梁傳

公在外也至自會道義不外公也

凡公行返而告廟則書至昭公居鄆非宗廟之所  
在何以書曾子問云君去其國大宰取羣廟之主  
以從則昭公之去鄆而返亦或告於祖禰顧季氏  
彊恃專有魯國當時史官阿附必不書至聖人以

所見之世而特志耳

附錄

七月己巳劉子以王出

師敗懼而出

庚午次于渠

渠杜

注周地按即周陽渠也在洛陽縣亦名九曲瀆

王城人焚劉子邑

丙子王

宿于褚氏

褚氏杜注洛陽縣南有褚氏亭在今洛陽縣東

丁丑王次于萑谷

庚辰王入于胥靡辛巳王次于滑

萑谷杜注周地按距洛九十里有大

谷漢設關于此萑谷蓋其支徑胥靡滑杜注皆周地本鄭邑今河南偃師縣東南有胥靡城縣南有緱氏

故城即古滑地也

晉知躒趙鞅帥師納王使女寬守闕塞

女寬

晉大夫闕塞杜注洛陽西南伊闕口也今洛陽縣南闕塞山是

九月庚申楚子居卒

左傳

九月楚平王卒令尹子常欲立子西

子西平王之長庶

曰

大子壬弱

壬昭王也

其母非適也王子建實聘之子西長

而好善立長則順建善則治王順國治可不務乎子

西怒曰是亂國而惡君王也

言王子建聘之是彰平王之惡

國有外

援不可瀆也

外援秦也

王有適嗣不可亂也敗親速讎

不立

壬秦將來討是速讎也

亂嗣不祥我受其名

受惡名

賂吾以天下

吾滋不從也楚國何爲必殺令尹令尹懼乃立昭王

冬十月天王入于成周

成周杜注洛陽今故城在縣東北

公羊傳

成周者何東周也

在王城之東故曰東周

其言入何不嫌

也

據入者纂詞既曰天王則不嫌爲篡矣

穀梁傳

周有入無出也

王者無外不言出

因狄泉故稱入惠王襄王入皆不書此曷爲書幸

之也王室亂入無足諱焉爾其不曰入于京師而

云成周者成周在王城之東曰下都王城爲洛之

上都時子朝據王城故王入成周以居子朝既奔



餘黨尚在王城敬王畏偪遂都成周故以地名書之著其實也

尹氏召伯毛伯以王子朝奔楚

左傳

冬十月丙申王起師于滑辛丑在郊郊杜注遂次

于尸十一月辛酉晉師克鞏知蹠趙鞅之師召伯盈逐王子

朝

伯盈本黨于朝晉師克鞏知其不成逐之而逆敬王

王子朝及召氏之族毛

伯得尹氏固南宮嚚奉周之典籍以奔楚尹召二族皆奔故稱

氏重見尹固名者為後還見殺

陰忌奔莒以叛

陰忌子朝黨莒杜注周邑

召伯逆

王于尸及劉子單子盟遂軍圍澤次于隄上

國澤隄上杜注

皆周地按國澤卽東園之澤也在今洛陽縣東境

癸酉王入于成周甲戌盟

于襄宮

襄王廟

晉師使成公般戍周而還

般晉大夫

十二月

癸未王入于莊宮

莊宮在王城

王子朝使告于諸侯曰昔

武王克殷成王靖四方康王息民竝建母弟以蕃屏

周亦曰吾無專享文武之功且爲後人之迷敗傾覆

而溺入于難則振救之至于夷王王愆于厥身

夷王厲王

父也愆惡疾

諸侯莫不竝走其望以祈王身至于厲王王

心戾虐萬民弗忍居王于薳

不忍害王也厲王末周人流王于薳

諸侯

釋位以閒王政

閒猶與也周召二公與治王之政事號曰共和

宣王有志而

後效官

宣王厲王子薳之亂宣王尚少召公虎取而長之效授也

至于幽王

宣王子

天不弔周王昏不若用愆厥位

若順也愆失也

攜王奸命諸

侯替之而建王嗣用遷邲鄆

攜王幽王少子伯服也王嗣宜臼也幽王后申

姜生大子宜臼王幸褒姒生伯服欲立之而殺大子大子奔申申伯與鄆及西戎伐周戰于戲幽王死諸

侯廢伯服而立宜臼是爲平王東遷邲鄆

則是兄弟之能用力于王室也

至于惠王天不靖周生頽禍心施于叔帶惠襄辟難

越去王都

惠王平王六世孫頹惠王庶叔也莊十九年作亂惠王適鄭襄王惠王子叔帶襄王

弟僖二十四年叔帶作亂襄王處汜則有晉鄭咸黜不端

黜去也晉文殺叔帶鄭厲

殺子頹爲王室去不端直之人以綏定王家則是兄弟之能率先王

之命也在定王六年秦人降妖

定王襄王孫定王六年魯宣八年

曰

周其有頹王

頹口上鬚

亦克能修其職諸侯服享二世其

職

二世謂靈景

王室其有閒王位諸侯不圖而受其亂災

閒王位本謂子朝今子朝以爲王猛受亂災本謂楚今子朝以爲晉

至于靈王生而有

頹

靈王定王孫

王甚神聖無惡于諸侯靈王景王克終其

世

景王靈王于

今王室亂單旗劉狄剝亂天下壹行不若

單旗穆公也劉狄劉蚡也壹專也

謂先王何常之有

言無常法

唯余心所

命其誰敢討之帥羣不弔之人

弔至也

以行亂于王室

侵欲無厭規求無度貫瀆鬼神

貫習也

慢棄刑法倍奸

齊盟傲很威儀矯誣先王晉爲不道是攝是贊

攝持也

思肆其罔極茲不穀震盪播越竄在荆蠻

不穀子朝自謂

未

有攸底若我一二兄弟甥舅獎順天法無助狡獪以

從先王之命毋速天罰赦圖不穀

赦其憂而圖其難

則所願

也敢盡布其腹心及先王之經而諸侯實深圖之昔

先王之命曰王后無適則擇立長年鈞以德德鈞以

卜王不立愛公卿無私古之制也穆后及太子壽早

夭卽世

在十五年

單劉贊私立少以間先王

間錯先王之制

亦唯

伯仲叔季圖之

伯仲叔季總謂諸侯

閔馬父聞子朝之辭曰文

辭以行禮也子朝干景之命遠晉之大以專其志無

禮甚矣文辭何爲

傳終王室亂

穀梁

遠矣非也

非責也奔篡君之賊其責遠矣

奔直奔也

尹氏世卿秉政擅權書立朝書以朝奔楚著始終  
怙惡不悛也并舉召毛治其黨也奔不言出者篡  
賊竊逃以遁天討無所出也故比於國滅之君與  
在境外之臣但以奔書曰奔楚則楚受篡賊之罪  
亦見矣

附錄齊有彗星

出齊之分野

齊侯使禳之晏子曰無益也

祇取誣焉天道不諂

諂疑也

不貳其命若之何禳之且

天之有彗也以除穢也君無穢德又何禳焉若德之

穢穰之何損詩曰惟此文王小心翼翼昭事上帝聿

懷多福厥德不回以受方國

詩大雅翼翼共也聿惟也回違也言文王德不

違天人故四方之國歸往之

君無違德方國將至何患于彗詩曰

我無所監夏后及商用亂之故民卒流亡

逸詩也言追監夏商

之亡皆以亂故

若德回亂民將流亡祝史之爲無能補也公

說乃止齊侯與晏子坐于路寢公歎曰美哉室其

誰有此乎

景公自知德不能久有國故歎也

晏子曰敢問何謂也公

曰吾以爲在德對曰如君之言其陳氏乎陳氏雖無



大德而有施于民豆區釜鍾之數其取之公也薄

謂以

公量收

其施之民也厚

謂以私量貸

公厚斂焉陳氏厚施焉

民歸之矣詩曰雖無德與女式歌且舞

詩小雅義取雖無大德要

有喜說之心欲歌舞之式用也

陳氏之施民歌舞之矣後世若少惰

陳氏而不亡則國其國也已公曰善哉是可若何對

曰唯禮可以已之在禮家施不及國民不遷農不移

工賈不變

守常業

士不濫

不失職

官不滔

滔慢也

大夫不收

公利

不作福

公曰善哉我不能矣吾今而後知禮之可

以爲國也對曰禮之可以爲國也久矣與天地並君

令臣共父慈子孝兄愛弟敬夫和妻柔姑慈婦聽禮

也君令而不違臣共而不貳父慈而教子孝而箴

箴諫

也兄愛而友弟敬而順夫和而義妻柔而正姑慈而

從從不婦聽而婉

婉順也

禮之善物也公曰善哉寡人

今而後聞此禮之上也對曰先王所稟于天地以爲

其民也

稟受也爲治也

是以先王上之

二十有七年春公如齊公至自齊居于郕

左傳 二十七年春公如齊公至自齊處于鄆言在外也

在外邑

故書地

穀梁傳 公在外也

夏四月吳弑其君僚

左傳 吳子欲因楚喪而伐之前年楚平王卒使公子掩餘公子

燭庸帥師圍潛二子皆王僚母弟潛杜注楚邑在廬江六縣西南今江南霍山縣東北有

潛城使延州來季子聘于上國季子本封延陵後復封州來故曰延州來遂

聘于晉以觀諸侯觀強弱楚莠尹然工尹麋帥師救潛

二尹楚官然麋其名左司馬沈尹戌帥都君子與王馬之屬以

濟師

都君子在都邑之士有復除者王馬之屬王之養馬官屬校人也

與吳師遇于

窮

窮水經注水出安豐縣窮谷在今江南霍丘縣西

令尹子常以舟師及沙

汭而還

沙汭杜注水名水經注沙南流至義成縣西南入淮在今江南懷遠縣東北

左尹

卻宛工尹壽帥師至于潛吳師不能退

遇窮之師當吳前潛之師

要吳後故吳

吳公子光曰此時也弗可失也

欲因以弑王

告鱄設諸曰

鱄設諸二十年伍員所見勇士

上國有言曰不索何獲

我王嗣也

先吳王諸樊子故曰王嗣

吾欲求之事若克季子雖至

至謂聘還

不吾廢也。縛設諸曰：王可弑也。母老子弱，是無

若我何？

欲以老弱託光

光曰：我爾身也。

言我身猶爾身

夏四月，光伏

甲于堀室而享王。

掘地爲室

王使甲坐于道，及其門、門階

戶、席，皆王親也。夾之以鉞，羞者獻體，改服于門外。

羞進

食也。獻體解衣。

執羞者坐行而入。

坐行膝行

執鉞者夾承之。

承執羞者

及體以相授也。

鉞及進羞者體以所食授王

光僞足疾，入于堀室。

恐難作王黨殺已故辟之

縛設諸，寘劍于魚中以進。

全魚炙故可置劍

抽

劍刺王，鉞交于胷。

交縛設諸胷

遂弑王，闔廬以其子爲卿。

子鱣諸子

季子至曰苟先君無廢祀民人無廢主社稷有

奉國家無傾乃吾君也吾誰敢怨哀死事生以待天

命非我生亂立者從之先人之道也

吳自諸樊以下兄弟相傳而不

立適是亂由先人起也季子自知力不能討光故云爾

復命哭墓

復使命于僚墓

復位

而待

復本位待光命

吳公子掩餘奔徐公子燭庸奔鍾吾

鍾吾

杜注小國漢志東海郡司吾今江南宿遷縣西北有司吾城

楚師聞吳亂而還

爲後

諧卻宛起

此公子光使鱣諸弑之而稱國何也光既弑立自

以諸樊之冢嗣假言國之臣民皆欲弑僚而還國  
於已故以衆弑赴於諸侯春秋不書人而書國所  
以發後人之疑使考之而得其實也先儒多以吳  
之亂責季子惟趙氏鵬飛曰使季子不逃而受之  
亦不免於亂何則季子之終將授之誰哉受之而  
身當其亂孰若逃之而自潔其身乎此篤論也

楚殺其大夫郤宛

郤穀梁  
作郤

左郤宛直而和國人說之鄢將師爲右領

右領  
官名與費

無極比而惡之

惡卻宛

令尹子常賄而信讒無極譖卻

宛焉謂子常曰子惡欲飲子酒

子惡卻宛

又謂子惡令尹

欲飲酒于子氏子惡曰我賤人也不足以辱令尹令

尹將必來辱爲惠已甚吾無以酬之若何無極曰令

尹好甲兵子出之吾擇焉

擇此以進子常

取五甲五兵曰寘

諸門令尹至必觀之而從以酬之

曰無極辭

及饗日帷諸

門左

張帷陳甲兵其中

無極謂令尹曰吾幾禍子子惡將爲

子不利甲在門矣子必無往且此役也

此春救潛之役

吳可



以得志子惡取賂焉而還又誤羣帥使退其師曰乘

亂不祥吳乘我喪我乘其亂不亦可乎令尹使視卻

氏則有甲焉不往召鄢將師而告之

告子惡門有甲兵將害已將

師退遂令攻卻氏且熱之

熱燒也

子惡聞之遂自殺也

國人弗熱令曰不熱卻氏與之同罪或取一編管焉

或取一秉秆焉

編管苦也秉把也秆稾也

國人投之遂弗熱也令

尹炮之

炮燔卻宛

盡滅卻氏之族黨殺陽令終與其弟完

及佗與晉陳及其子弟

令終陽句子晉陳楚大夫皆卻氏黨

晉陳之族

呼于國曰鄢氏費氏自以爲王專禍楚國弱寡王室  
蒙王與令尹以自利也令尹盡信之矣國將如何令

尹病之

爲下殺無  
極張本

卻宛之死費無極譖諸囊瓦殺之而經以國殺爲  
文罪楚君也君無道以令其臣致擅殺大夫而無  
忌紀綱亡矣故以累上之辭書之

秋晉士鞅宋樂祁犁衛北宮喜曹人邾人滕人會于扈  
左傳秋會于扈令戍周且謀納公也宋衛皆利納公固

請之范獻子取貨于季孫謂司城子梁與北宮貞子

曰

子梁宋樂祁也  
貞子衛北宮喜

季孫未知其罪而君伐之請囚請

亡于是乎不獲君又弗克而自出也夫豈無備而能  
出君乎季氏之復天救之也休公徒之怒而啓叔孫  
氏之心不然豈其伐人而說甲執冰以游叔孫氏懼  
禍之濫而自同于季氏天之道也魯君守齊三年而  
無成季氏甚得其民淮夷與之有十年之備有齊楚  
之援

公雖在齊言  
齊不致力

有天之贊有民之助有堅守之心

有列國之權而弗敢宣也

宣用也

事君如在國

書公行告公至

是也

故鞅以爲難二子皆圖國者也而欲納魯君鞅之

願也請從二子以圍魯無成死之二子懼皆辭乃辭

小國而以難復

以難納白晉君

扈之會謀納公而以貨解無貶辭者以令戍周故  
也是時大夫同惡相濟齊景爲鄆陵之盟而梁丘  
據入季氏之錦晉頃爲扈之會而士鞅納季氏之  
貨二君懵然無知以爲魯之休戚無關於已孰知

田常韜禍於齊六卿伏憂於晉厝火積薪而不悟  
使二君能爲魯討賊亦足以讐內盜之志也

冬十月曹伯午卒

邾快來奔

公羊傳

邾婁快者何邾婁之大夫也邾婁無大夫此何

以書以近書也

快之來奔從其類也意如逐君專國又誘人之臣  
使之叛其君而已爲之逋逃主罪可勝誅乎春秋

書之以深惡季氏也

附錄左傳

孟懿子陽虎伐鄆

陽虎季氏家臣伐鄆欲奪公

鄆人將戰子

家子曰天命不怙久矣

怙疑也言棄君不疑

使君亡者必此衆

也天既禍之而自福也不亦難乎猶有鬼神此必敗

也嗚呼爲無望也夫其死于此乎公使子家子如晉

公徒敗于且知

且知杜注近鄆地

楚卻宛之難國言未已

進胙者莫不謗令尹

進胙國中祭祀也謗詛也

沈尹戌言于子常

曰夫左尹與中廢尹

中廢尹陽令終

莫知其罪而子殺之以

興謗讟至于今不已戍也惑之仁者殺人以掩謗猶

弗爲也今吾子殺人以興謗而弗圖不亦異乎夫無

極楚之讒人也民莫不知去朝吳

在十五年

出蔡侯朱

在二

十一年

喪大子建殺連尹奢

在二十年

屏王之耳目使不聰

明不然平王之溫惠共儉有過成莊無不及焉所以

不獲諸侯邇無極也今又殺三不辜以興大謗

三不辜邵

氏陽氏  
晉陳氏

幾及子矣子而不圖將焉用之夫鄢將師矯

子之命以滅三族國之良也而不愆位

鄢將師矯滅  
三良罪也而

在位無愆  
過言失刑

吳新有君

光新  
立也

疆場日駭楚國若有大事

子其危哉知者除讒以自安也今子愛讒以自危也  
甚矣其惑也子常曰是瓦之罪敢不良圖九月己未  
子常殺費無極與鄢將師盡滅其族以說于國謗言  
乃止

公如齊

左傳冬公如齊齊侯請饗之子家子曰朝夕立于其朝

又何饗焉其飲酒也乃飲酒使宰獻而請安

比公于  
大夫也



禮君不敵臣宴大夫使宰為主獻獻爵也請安齊侯請自安不在坐也

子仲之子曰重

爲齊侯夫人曰請使重見

子仲魯公子愬十二年奔齊行飲酒禮而欲使重見

從宴蝶也

子家子乃以君出

辟齊夫人

公至自齊居于鄆

公朝齊者二會齊者一每行必書至書居繫臣民之望也據左氏仲孫何忌陽虎伐鄆公徒敗于且知而經不書存君也上之與下有征無戰況見伐於其臣而又敗乎故削之

附錄 十二月晉籍秦致諸侯之戍于周魯人辭以難

左傳 經所以不書戍  
周籍秦籍談子

二十有八年春王三月葬曹悼公

公如晉次于乾侯

乾侯杜注在魏郡斥丘縣晉竟內邑  
今直隸成安縣東南有斥丘古城

左傳

二十八年春公如晉將如乾侯

齊侯卑公  
故適晉

子家子

曰有求于人而卽其安人孰矜之其造于竟

欲使次于竟以

待弗聽使請逆于晉晉人曰天禍魯國君淹恤在外

君亦不使一个辱在寡人而卽安于甥舅其亦使逆

君

言自使齊逆君

使公復于竟而後逆之

言公不能用于家所以見辱

穀梁

公在外也

傳

昭公不見禮於齊故如晉言次不得入也次于陽州猶曰齊魯之境也次于乾侯則進退維谷羈旅之人耳齊猶致恤患之文晉則拒而不受蓋黨意如以弱其君者晉諸卿之本謀也豈肯忽爲公而背季氏哉

夏四月丙戌鄭伯寧卒

寧公羊作甯

六月葬鄭定公

附錄左傳

晉祁勝與鄔臧通室

二子祁盈家臣也通室易妻

祁盈將執

之

盈祁午之子

訪于司馬叔游

叔游司馬叔侯之子

叔游曰鄭書有

之惡直醜正實蕃有徒

鄭書古書名言害正直者實多徒衆醜亦惡也

無道

立矣子懼不免

言世亂讒勝

詩曰民之多辟無自立辟

詩大

雅辟邪也辟法也

姑已若何盈曰祁氏私有討國何有焉遂

執之祁勝賂荀躒荀躒爲之言于晉侯晉侯執祁盈

以其專殘

祁盈之臣曰鈞將皆死愁使吾君聞勝與臧之

死也以爲快

慙發語之音  
吾君謂祁盈

乃殺之夏六月晉殺祁盈

及楊食我

楊杜注叔向邑食  
我叔向子伯石也

食我祁盈之黨也而助

亂故殺之遂滅祁氏羊舌氏初叔向欲娶于申公巫

臣氏

夏姬  
女也

其母欲娶其黨叔向曰吾母多而庶鮮吾

懲舅氏矣

嫌母氏  
性不曠

其母曰子靈之妻殺三夫一君一

子而亡一國兩卿矣

子靈巫臣妻夏姬三夫陳御叔  
楚襄老及巫臣時巫臣已死一

君陳靈公一子夏徵舒一  
國陳也兩卿孔寧儀行父

可無懲乎吾聞之甚美必

有甚惡是鄭穆少妃姚子之子子貉之妹也

子貉鄭  
靈公夷

子貉早死無後而天鍾美于是

是夏姬也子貉死在宣四年

將必

以是大有敗也昔有仍氏生女黥黑而甚美

有仍古諸侯也

美髮爲黥

光可以鑑

髮膚光色可以照人

名曰玄妻

以髮黑故

樂正后夔

取之

夔舜典樂之君長

生伯封實有豕心貪惓無饜忿顓無

期謂之封豕

顓辰也封大也

有窮后羿滅之

羿篡夏后者

夔是以

不祀且三代之亡共子之廢皆是物也

夏以妹喜殷以妲己周以

褒姒三代所由亡也共子晉申生以驪姬廢

女何以爲哉夫有尤物足以

移人苟非德義則必有禍叔向懼不敢取平公強使

取之生伯石

伯石楊食我

伯石始生子容之母走謁諸姑

子容母叔向嫂伯華妻也姑叔向母

曰長叔姒生男

兄弟之妻相謂姒

姑視之

及堂聞其聲而還曰是豺狼之聲也狼子野心非是

莫喪羊舌氏矣遂弗視

秋七月癸巳滕子寧卒

寧公羊作甯

附錄左傳

秋晉韓宣子卒魏獻子爲政

獻子魏舒

分祁氏之田

以爲七縣

七縣鄆祁平陵梗陽塗水馬首孟也

分羊舌氏之田以爲三

縣

銅鞮平陽楊氏

司馬彌牟爲鄆大夫

鄆杜注太原鄆縣在今山西介休縣東北

賈辛爲祁大夫

祁杜注大原祁縣今山西祁縣東南有古城

司馬烏爲平

陵大夫

平陵亦曰大陵今山西文水縣東北大陵故城

魏戊爲梗陽大夫

戊魏舒庶子梗陽杜注在大原晉陽縣南今山西清源縣南有梗陽城

知徐吾爲塗水

大夫

徐吾知盈孫塗水杜注大原榆次縣今山西榆次縣西南有塗水故城

韓固爲馬

首大夫

固韓起孫馬首元和志故城在壽陽縣東南今縣屬山西大原府

孟丙爲孟

大夫

孟杜注大原孟縣即今山西孟縣也

樂霄爲銅鞮大夫

縣今山西沁州西南有故城

趙朝爲平陽大夫

朝趙勝曾孫平陽杜注平陽縣今故

城在山西臨汾縣西南

僚安爲楊氏大夫

楊氏杜注平陽楊氏縣今古楊城在山西



洪洞縣南又  
名危城村

謂賈辛司馬烏爲有力于王室

年納王

故烏即  
司馬督

故舉之謂知徐吾趙朝韓固魏戊餘子之不

失職能守業者也

卿之庶子  
爲餘子

其四人者皆受縣而後

見于魏子以賢舉也

四人司馬彌牟孟丙樂霄僚安  
也受縣而後見言采衆而舉不

以私

魏子謂成鱣

鱣晉  
大夫

吾與戊也縣人其以我爲黨

乎對曰何也戊之爲人也遠不忘君近不偏同

不偏  
同位

居利思義在約思純

無濫  
心

有守心而無淫行雖與之

縣不亦可乎昔武王克商光有天下其兄弟之國者

十有五人姬姓之國者四十人皆舉親也夫舉無他

唯善所在親疏一也詩曰惟此文王帝度其心莫其

德音其德克明克明克類克長克君王此大國克順

克比比于文王其德靡悔既受帝祉施于孫子

詩大雅美

文王能王大國受天福施及子孫

心能制義曰度德正應和曰莫

然莫

清靜

照臨四方曰明勤施無私曰類

施而無私物得其所無失類也

教

誨不倦曰長

教誨長人之道

賞慶刑威曰君

作福作威君之職也

慈和

徧服曰順

唯順故天

擇善而從之曰比

比方善事使相從也

經

緯天地曰文

經緯相錯故織成文

九德不愆作事無悔

九德上九曰也

皆無愆過則動無悔吝

故襲天祿子孫賴之主之舉也近文德

矣所及其遠哉

賈辛將適其縣見于魏子魏子曰

辛來昔叔向適鄭驂蔑惡

驂蔑鄭然明惡貌醜

欲觀叔向從使

之收器者而往

從隨也隨使人應敎俎豆者

立于堂下一言而善

叔向將飲酒聞之曰必驂明也

素聞其賢故聞其言而知之

下執

其手以上曰昔賈大夫惡

賈國之大夫惡亦醜也

娶妻而美三

年不言不笑御以如皋

為妻御之皋澤

射雉獲之其妻始笑

而言賈大夫曰才之不可以已我不能射女遂不言

不笑夫今子少不颺

顏貌不顯揚

子若無言吾幾失子矣

言之不可以已也如是遂如故知今女有力于王室

吾是以舉女

因賈辛有功而後舉之言人不可無能

行乎敬之哉毋墮

乃力仲尼聞魏子之舉也以爲義曰近不失親

謂舉魏戊

遠不失舉

以賢舉

可謂義矣又聞其命賈辛也以爲忠

詩曰永言配命自求多福忠也

詩大雅永長也言能長配天命致多福者

唯忠魏子之舉也義其命也忠其長有後于晉國乎

冬葬滕悼公

附錄左傳

冬梗陽人有獄魏戊不能斷以獄上

上魏子

其大

宗賂以女樂

訟者之大宗

魏子將受之魏戊謂閭沒女寬

曰

二人魏子之屬大夫

主以不賄聞于諸侯若受梗陽人賄莫

甚焉吾子必諫皆許諾退朝待于庭

待于魏子之庭

饋入召

之

召二大夫食

比置三歎既食使坐

更命之令坐

魏子曰吾聞

諸伯叔諺曰唯食忘憂吾子置食之間三歎何也同

辭而對曰或賜二小人酒不夕食

或他人也言饑甚

饋之始

至恐其不足是以歎中置自咎曰豈將軍食之而有

不足是以再歎

魏子中軍帥故謂之將軍

及饋之畢願以小人

腹爲君子之心屬厭而已

屬足也言小人之腹飽猶知厭足君子之心亦宜然

獻子辭梗陽人

傳言魏氏所以與

日講春秋解義卷五十五

欽定四庫全書

日講春秋解義卷五十六

昭公

二十有九年春公至自乾侯居于鄆齊侯使高張來唁公

左傳二十九年春公至自乾侯處于鄆齊侯使高張來

唁公稱主君比公子大夫子家子曰齊卑君矣君祇辱焉

公如乾侯



殺梁  
傳 咺公不得入于魯也

不以自晉致者未至晉都不得與晉侯相見故書  
至自乾侯齊侯荀躒咺公皆地此何以不地咺于  
野井齊地也咺于乾侯晉地也今在鄆乃魯地故  
但書來

附錄  
左傳 三月己卯京師殺召伯盈尹氏固及原伯魯之

子  
皆子朝黨也稱伯  
魯子終不說學  
尹固之復也  
二十六年尹固與  
子朝俱奔楚而道

還  
有婦人遇之周郊尤之曰處則勸人爲禍行則數

日而反是夫也其過三歲乎夏五月庚寅王子趙車

入于鄆以叛陰不佞敗之

趙車子朝之餘也鄆杜注周邑陰不佞周大夫

公如晉次于乾侯

左傳平子每歲賈馬

賈買也

具從者之衣屨而歸之于乾

侯公執歸馬者賣之

賣其馬也

乃不歸馬衛侯來獻其乘

馬曰啓服

啓服馬名

塹而死

塹墮塹死也

公將爲之櫨

爲作棺

子家

子曰從者病矣請以食之乃以幃裹之

禮曰敝幃不棄爲埋馬也

公賜公衍羔裘使獻龍輔于齊侯

龍輔玉名

遂入羔裘齊

侯喜與之陽穀

陽穀杜注齊邑

公衍公爲之生也其母偕出

出之產舍

公衍先生公爲之母曰相與偕出請相與偕告

雷公衍母使待已共白公

三日公爲生其母先以告公爲爲兄公

私喜于陽穀而思于魯曰務人爲此禍也

務人公爲也始與公

若謀逐季氏

且後生而爲兄其誣也久矣乃黜之而以公

衍爲大子

書次于乾侯復不見受也公稔知晉之彊臣黨於

意如今絕望於齊不得已而求於晉迹愈勤而計

愈左矣使公定居於鄆鄆猶不至於潰也

夏四月庚子叔詣卒

穀梁傳

季孫意如曰叔倪無病而死此皆無公也是天

命也

言皆天命使魯無君爾

非我罪也

秋七月

附錄左傳

秋龍見于絳郊

絳晉國都

魏獻子問于蔡墨曰

蔡墨晉大

史

吾聞之蟲莫知于龍以其不生得也謂之知信乎

對曰人實不知非龍實知

言龍無知乃人不知之耳

古者畜龍故

國有豢龍氏有御龍氏

豢御養也

獻子曰是二氏者吾亦

聞之而不知其故是何謂也對曰昔有颺叔安

颺杜注古

國也漢志南陽湖陽縣故廖國師古曰左傳作颺今湖陽故城在河南唐縣南叔安颺君名

有裔

子曰董父實甚好龍能求其耆欲以飲食之龍多歸

之乃擾畜龍

擾順也

以服事帝舜帝賜之姓曰董氏曰

豢龍

豢龍官名官有世功則以官氏

封諸醴川醴夷氏其後也

醴川杜注

醴水上夷皆董姓

故帝舜氏世有畜龍及有夏孔甲擾于有

帝

孔甲少康之後九世君也其德能順于天

帝賜之乘龍河漢各二

合為四

各有雌雄孔甲不能食而未獲豢龍氏有陶唐氏既

衰其後有劉累

劉累堯之子孫

學擾龍于豢龍氏以事孔甲

能飲食之夏后嘉之賜氏曰御龍

夏后孔甲

以更豕韋之

後

更代也以劉累代彭姓之豕韋累尋遷魯縣豕韋復國至商而滅累之後世復承其國爲豕韋氏見

裏二十四年

龍一雌死潛醢以食夏后

潛藏也藏以爲醢明龍不知

夏

后饗之既而使求之

求致龍也

懼而遷于魯縣

不能致龍故懼魯縣

杜注魯陽也今河南魯山縣東北有魯陽故城

范氏其後也

晉范氏

獻子曰今

何故無之對曰夫物物有其官官修其方

方法

朝夕

思之一日失職則死及之

失職有罪

失官不食

不食祿

官宿

其業

宿猶安也

其物乃至

設水官修則龍至

若泯棄之物乃抵伏

抵止伏匿

鬱湮不育

鬱滯也湮塞也育生也

故有五行之官是謂五

官實列受氏姓封爲上公祀爲貴神社稷五祀是尊

是奉

五官之君長能修其業者死皆配食于五行之神爲王者所尊奉

木正曰句芒

正官長也取木生句曲而有芒角也其祀重

火正曰祝融

祝融明貌其祀犂

金正

曰蓐收

秋物摧蓐而可收也其祀該

水正曰玄冥

水陰而幽冥其祀修及熙

土

正曰后土

土爲羣物主故稱后也其祀句龍在家則祀中霤在野則爲社

龍水物也

水官棄矣故龍不生得不然周易有之在乾

乾

乾上

之姤



巽下乾上姤  
乾初九變

曰潛龍勿用

乾初九  
爻辭

其

同人



離下乾上同  
人乾九二變

曰見龍在田

乾九二  
爻辭

其大有



乾下離上大  
有乾九五變

曰飛龍在天

乾九五  
爻辭

其夬



乾下

兌上夬乾  
上九變

曰亢龍有悔

乾上九  
爻辭

其坤



坤下坤上  
坤乾六爻

皆變  
曰見羣龍無首吉

乾用九  
爻辭

坤之剝



坤下艮上  
剝坤上六

變

曰龍戰于野

坤上六  
爻辭

若不朝夕見誰能物之

物謂  
上六

卦所稱龍各不同也今說易者皆以龍  
喻陽氣如史墨之言則爲皆是真龍

獻子曰社稷



五祀誰氏之五官也對曰少皞氏有四叔少皞金天氏曰

重曰該曰修曰熙實能金木及水能治其官使重爲句芒

木該爲蓐收金正修及熙爲玄冥二子相代爲水正世不失職

遂濟窮桑此其三祀也窮桑少皞之號杜注地在魯北顓頊氏有子

曰犁爲祝融犁爲火正共工氏有子曰句龍爲后土共工在大

皞後神農前以水名官者其子句龍能平水土此其二祀也后土爲社稷田

正也掌播殖也有烈山氏之子曰柱爲稷烈山氏神農世諸侯自夏

以上祀之祀柱周棄亦爲稷棄周之始祖能播百穀湯既勝夏廢柱而以棄代之

自商以來祀之

傳言蔡墨之博物

冬十月鄆潰

公羊傳

邑不言潰此其言潰何

據國曰潰邑曰叛

郭之也

郭曷

爲郭之君存焉爾

昭公居之故從國言潰不言國之言郭之者公失國也

穀梁傳

潰之爲言上下不相得也上下不相得則惡矣

亦譏公也昭公出奔民如釋重負

此意如閒公如乾侯誘其民潰散叛公使公不得更入鄆也自是公遂削跡於魯論者多咎公之失

民而不知季氏專國已歷三世加意如兇威所脅  
民之從之實以耳濡目染之有素而非一朝一夕

之故也

附錄左傳

冬晉趙鞅荀寅帥師城汝濱

趙鞅趙武孫也荀寅中行荀吳之子

汝濱杜注晉所取陸渾地陸渾今嵩縣汝水在縣南

遂賦晉國一鼓鐵以鑄刑

鼎

令晉國各出功力共鼓石爲鐵計今一鼓而足因軍役而爲之故言遂

著范宣子所

爲刑書焉仲尼曰晉其亡乎失其度矣夫晉國將守

唐叔之所受法度以經緯其民卿大夫以序守之

序位

也次民是以能尊其貴貴是以能守其業貴賤不愆所

謂度也文公是以作執秩之官爲被廬之法

在僖二十七年

以爲盟主今棄是度也而爲刑鼎民在鼎矣何以尊

貴

棄禮徵書故不尊貴

貴何業之守

民不奉上則上失業

貴賤無序何以

爲國且夫宣子之刑夷之蒐也晉國之亂制也

夷蒐在文

六年一蒐而三易中軍帥賈季箕鄭之徒遂作亂故曰亂制

若之何以爲法蔡史

墨曰

蔡史墨卽蔡墨

范氏中行氏其亡乎中行寅爲下卿而

干上令擅作刑器以爲國法是法姦也又加范氏焉

易之亡也

范宣子刑書中既廢矣今復變易興之是成其咎

其及趙氏趙孟

與焉然不得已若德可以免

鑄刑鼎本非趙鞅意爲定十三年荀寅士吉射

入朝歌以叛傳

三十年春王正月公在乾侯

左傳三十年春王正月公在乾侯不先書鄆與乾侯非

公且徵過也

徵明也先此二十七年二十八年公在鄆二十九年公在乾侯而經不釋朝正

之禮者蓋以公尚在竟內至是鄆潰客寄乾侯故書所在責公不能繫臣民之望明有過也

穀梁

中國不存公存公故也

中國猶國中也

公去社稷於今五年每歲首不書公者在魯封內則無適而非其所魯固未嘗無君也至是鄆潰客寄乾侯非其所矣故歲首必書公之所在蓋以存君不與季氏之專國也不書居非其地也

夏六月庚辰晉侯去疾卒

秋八月葬晉頃公

左傳

夏六月晉頃公卒秋八月葬鄭游吉弔且送葬魏

獻子使士景伯詰之曰悼公之喪子西弔子矯送葬

今吾子無貳何故

弔葬共使

對曰諸侯所以歸晉君禮也

禮也者小事大字小之謂事大在其其時命

隨時共所

求字小在恤其所無以敝邑居大國之間其其職貢

與其備御不虞之患豈忘其命

言不敢忘其命以所備御者多不及辦之

先王之制諸侯之喪士弔大夫送葬唯嘉好聘享三

軍之事于是乎使卿晉之喪事敝邑之間先君有所

助執紼矣

紼輓索也禮送葬必執紼

若其不閒雖士大夫有所不

獲數矣

不得如先王禮數

大國之惠亦慶其加而不討其乏

明底其情取備而已以爲禮也

慶善也底致也加謂君自會葬禮數有加

者之謂不及士弔大夫葬之數者但能致其情而儀文祇取略備

靈王之喪

在襄二十九年

我先君簡公在楚我先大夫印段實往敝邑之少卿也王更不討恤所無也今大夫曰女盍從舊舊有豐有省不知所從從其豐則寡君幼弱是以不共從其

省則吉在此矣唯大夫圖之晉人不能詰

傳言大叔之敏

冬十有二月吳滅徐徐子章羽奔楚

羽公羊作禹

左傳吳子使徐人執掩餘使鍾吾人執燭庸

二十七年奔故二



公子奔楚楚子大封而定其徙使監馬尹大心逆吳

公子使居養

養杜注卽所封之邑今河南沈丘縣東有養城

莠尹然左司馬

沈尹戌城之

城

取于城父與胡田以與之

胡田杜注故胡子之

地

將以害吳也子西諫曰吳光新得國而親其民視

民如子辛苦同之將用之也若好吳邊疆使柔服焉

猶懼其至吾又強其讎以重怒之無乃不可乎吳周

之胄裔也而棄在海濱不與姬通今而始大比于諸

華光又甚文將自同于先王不知天將以爲虐乎使

翦喪吳國而封大異姓乎其抑亦將卒以祚吳乎其

終不遠矣

言其事行可知不久

我盍姑億吾鬼神而寧吾族姓

以待其歸將焉用自播揚焉

億安也歸善惡之歸播揚猶勞動也

王弗

聽吳子怒冬十二月吳子執鍾吾子遂伐徐防山以

水之

防壅山水以灌徐

已卯滅徐徐子章禹斷其髮攜其夫

人以逆吳子

斷髮自刑示懼

吳子唁而送之使其邇臣從之

遂奔楚楚沈尹戌帥師救徐弗及遂城夷

夷城父

使徐

子處之

諸侯見滅出奔衆矣如滅譚滅弦滅溫皆不名者  
彊暴加於小弱力不能勝而奔義未絕也章羽斷  
其髮以逆吳子則既降矣降而後奔豈有興復之  
志哉故名之以著其位之既絕也

附錄  
左傳

吳子問于伍員曰初而言伐楚

在二  
十年

余知其可

也而恐其使余往也又惡人之有余之功也今余將  
自有之矣伐楚何如對曰楚執政衆而乖莫適任患  
若爲三師以肄焉

肄勞  
也

一師至彼必皆出彼出則歸

彼歸則出楚必道敝亟肄以罷之多方以誤之既罷

而後以三軍繼之必大克之闔廬從之楚于是乎始

病

爲定四年  
吳入郢傳

三十有一年春王正月公在乾侯

左三十一年春王正月公在乾侯言不能外內也

不容所以  
久在乾侯

季孫意如會晉荀躒于適歷

躒公羊穀梁作標  
適歷杜注晉地

左晉侯將以師納公范獻子曰若召季孫而不來則

信不臣矣然後伐之若何晉人召季孫獻子使私焉

曰子必來我受其無咎季孫意如會晉荀躒于適歷

荀躒曰寡君使躒謂吾子何故出君有君不事周有

常刑子其圖之季孫練冠麻衣跣行

示憂

伏而對曰

事君臣之所不得也敢逃刑命

言願事君君不肯還不敢辟罪

君若

以臣爲有罪請囚于費以待君之察也亦唯君若以

先臣之故不絕季氏而賜之死若弗殺弗亡君之惠

也死且不朽若得從君而歸則固臣之願也敢有異

心

意如出君晉不致討而使荀躒會之悖亦甚矣夫  
晉之六卿猶意如也取貨季氏互爲唇齒而肯背  
賂以傷其類哉晉侯蔽而不察卒致昭公客死亦  
從自及也書曰意如會晉荀躒于適歷罪晉之辭  
也

夏四月丁巳薛伯穀卒

左傳薛伯穀卒同盟故書

入春秋來薛始書名故傳發之

晉侯使荀躒唁公于乾侯

左傳夏四月季孫從知伯如乾侯知伯荀躒子家子曰君與

之歸一慙之不忍而終身慙乎公曰諾衆曰在一言

矣君必逐之

言晉既憂君一言使晉晉必逐之

荀躒以晉侯之命唁

公且曰寡君使躒以君命討于意如意如不敢逃死

君其入也公曰君惠顧先君之好施及亡人將使歸

冀除宗祧以事君則不能見夫人已所能見夫人者

有如河

夫人謂季孫

荀躒掩耳而走曰

怪公所言示不忍聽

寡君其

罪之恐敢與知魯國之難臣請復于寡君退而謂季

孫君怒未怠子姑歸祭

歸攝君事

子家子曰君以一乘入

于魯師季孫必與君歸公欲從之衆從者脅公不得

歸

傳言君弱不能自主

穀梁傳

唁公不得入于魯也曰既爲君言之矣不可者

意如也

在晉地故不言來荀躒既會意如而復以晉侯之

命唁公者適歷之會意如願從君歸蓋恃范鞅受



其無咎而姑爲欺人之語荀躒陰喻其意故陽以  
空言勸公入以塞責及得公不能見夫人語遂藉  
以爲辭而意如之謀遂矣晉定公初立有嗣霸之  
志觀成周之城召陵之會則欲以師納公未嘗不  
出於誠而荀范表裏爲奸多方以把持之卒不得  
伸其志其所由來者漸矣

秋葬薛獻公

附錄  
左傳秋吳人侵楚伐夷侵潛六

夷潛六杜注皆楚邑  
夷在今亳州故潛城

六城俱在今壽州俱屬江南

楚沈尹戌帥師救潛吳師還楚師遷

潛于南岡而還吳師圍弦左司馬戌

即沈尹戌

右司馬稽

帥師救弦及豫章吳師還始用子胥之謀也

謀在前年

冬黑肱以濫來奔

肱公羊作弓濫杜注東海昌慮縣今昌慮故城在山東滕縣東南

左冬邾黑肱以濫來奔賤而書名重地故也

黑肱非命卿故

曰賤君子曰名之不可不慎也如是夫所有名而不

如其已

有所謂有地也言雖有名不如無名已止也

以地叛雖賤必書地

以名其人終爲不義弗可滅已是故君子動則思禮

行則思義不爲利回不爲義疚或求名而不得或欲

蓋而名章懲不義也齊豹爲衛司寇守嗣大夫作而

不義其書爲盜

此求名而不得也二十年豹殺衛侯兄欲求不畏強禦之名

邾庶

其莒牟夷邾黑肱以土地出求食而已不求其名賤

而必書

所謂欲蓋而名章也庶其奔在襄二十一年牟夷奔在五年

此二物者所

以懲肆而去貪也

齊豹書盜懲肆也三叛人書名去貪也

若艱難其身

身爲艱難

以險危大人

大人在位者

而有名章徹

謂得勇名

攻難之

士將奔走之

攻猶作也奔走猶赴趣也

若竊邑叛君以徼大利而

無名

謂不書其人名

貪冒之民將寘力焉

盡力爲之無所顧憚

是以春

秋書齊豹曰盜三叛人名以懲不義數惡無禮其善

志也

數列也惡逆無禮皆數列而不遺記事之善者也

故曰春秋之稱微而

顯

文微而義著

婉而辨

辭婉而旨別

上之人能使昭明

上之人謂在位

者在位者能行其法非賤人所能

善人勸焉淫人懼焉是以君子貴

之

公羊傳

文何以無邾婁通濫也

此邾婁黑弓也春秋之文何以無邾婁蓋欲通

濫爲國故使之無所繫也

曷爲通濫賢者子孫宜有地也賢者孰

謂謂叔術也

叔術邾婁顏公之弟或曰羣公子

何賢乎叔術讓國也

其讓國奈何當邾婁顏之時

顏顏公也

邾婁女有爲魯夫

人者則未知其爲武公與懿公與

武懿魯二公

孝公幼顏

淫九公子于宮中因以納賊則未知其爲魯公子與

邾婁公子與臧氏之母養公者也君幼則宜有養者

大夫之妾士之妻則未知臧氏之母者曷爲者也養

公者必以其子入養

不離人母子因以娛公也

臧氏之母聞有賊

以其子易公抱公以逃賊至湊公寢而弑之

直抵公所寢之

處而  
弑之

臣有鮑廣父與梁買子者

二子皆  
魯大夫

聞有賊趨而

至臧氏之母曰公不死也在是吾以吾子易公矣于

是負孝公之周愬天子天子爲之誅顏而立叔術反

孝公于魯顏夫人者

顏公之  
夫人

姬盈女也國色也其言

曰有能爲我殺殺顏者吾爲其妻

殺顏公者鮑廣  
父梁買子也

叔

術爲之殺殺顏者而以爲妻有子焉謂之盱夏父者

其所爲有于顏者也

爲顏公夫人  
時所生也

盱幼而皆愛之

叔  
術

姬盈女  
皆愛之

食必坐二子于其側而食之有珍怪之食盱

必先取足焉夏父曰以來人未足而盱有餘

以來猶曰以是

物來置我前也人夏父自謂言我尚未足而盱所得獨多

叔術覺焉

覺悟也知少時爭食長必

爭國曰嘻此誠爾國也夫起而致國于夏父夏父受而

中分之叔術曰不可三分之叔術曰不可四分之叔

術曰不可五分之然後受之公扈子者邾婁之父兄

也

當夫子作春秋時于邾婁君爲父兄之行公扈者氏也

習乎邾婁之故其言

曰惡有言人之國賢若此者乎誅顏之時天子死叔

術起而致國于夏父當此之時邾婁人常被兵于周

曰何故死吾天子

當讓國時邾婁曾受討罪之兵于周曰何故敢以天子爲死違生時

命而立夏父乎此天子死則讓初無妻嫂惑兒爭食之驗也

通濫則文何以無邾

婁天下未有濫也

既通濫爲國則宜特以國見何以文無邾婁蓋以天下實未有濫國

春秋新通之耳

天下未有濫則其言以濫來奔何叔術者賢

大夫也絕之則爲叔術不欲絕不絕則世大夫也大

夫之義不得世

此解不言濫黑弓意

故于是推而通之也

就竊邑以

出之文推而變通之其文皆同而但無邾婁則既可以全叔術之心亦可以無世大夫之嫌矣

穀梁傳

其不言邾黑肱何也

據襄二十一年邾庶其以漆閭丘來奔言邾

別



乎邾也

邾以濫邑封黑肱故別之若國

其不言濫子何也

據既別之爲國則應

書其爵

非天子所封也來奔內不言叛也

凡竊邑以出者雖賤必書其名懲不義也昭公在外孰受之受之者意如也不令之臣以類相從邾快黑肱接踵而至意如實爲之招也不言邾史闕文

十有二月辛亥朔日有食之

左傳十二月辛亥朔日有食之是夜也趙簡子夢童子

羸而轉以歌

羸羸體也轉宛轉也

旦占諸史墨曰吾夢如是今

而日食何也

簡子之夢適與日食會疑咎在己故問之

對曰六年及此月

也吳其入郢乎終亦弗克

史墨知夢非日食之應故釋日食之咎而不釋夢

入郢必以庚辰

庚辰日有變日在辰尾故曰以庚辰辰定四年十一月庚辰吳入郢

日月

在辰尾

辰尾龍尾也周十二月今之十月日月合朔于辰尾而食

庚午之日始

有謫火勝金故弗克

謫變氣也庚午十月十九日去辛亥朔四十一日雖食在辛亥

更以始變為占也午南方楚之位也午火庚金也日以庚午有變故災在楚楚之仇敵惟吳故知入郢必吳火勝金者金為火妃夫妻相得而強楚盛之兆故終不克食在辛亥亥水也水數六故六年

三十有二年春王正月公在乾侯

左傳三十二年春王正月公在乾侯言不能外內又不

能用其人也

其人謂子家羈

三年之間歲首皆書公在乾侯其義一也而左氏各爲之說鑿矣

取闕

公羊傳闕者何邾婁之邑也曷爲不繫乎邾婁諱亟也

去年受濫今復取闕故以爲亟

闕魯羣公墓之所在蓋內邑也公旅寄乾侯非有  
兵力特以先君墳墓在焉遣人誘而取之書此以  
著季氏據國公無尺土雖得魯邑猶取之於外云  
爾

### 夏吳伐越

左傳

夏吳伐越始用師于越也史墨曰不及四十年越

其有吳乎

存亡之數不過三紀歲星三周三十六歲  
故曰不及四十年哀二十二年越滅吳去

此三十  
八歲

越得歲而吳伐之必受其凶

此年歲在星紀  
星紀吳越之分

也歲星所在其國有福  
吳先用兵故反受其殃

此著吳越之始事也吳方抗楚越議其後自是吳  
楚越不相爲下而齊晉二大國之患專在彊臣天  
下之勢又一變矣

秋七月

冬仲孫何忌會晉韓不信齊高張宋仲幾衛世叔申鄭

國參曹人莒人杞人小邾人城成周

世叔穀梁作  
大叔莒人下

公羊有邾婁人

穀梁有邾人

左傳秋八月王使富辛與石張如晉請城成周富辛石張周大

夫敬王徙都成周以其狹小故請城之天子曰天降禍于周俾我兄弟

竝有亂心以爲伯父憂我一二親昵甥舅不皇啓處

于今十年謂二十三年二師圍郊至于今勤戍五年謂二十八年晉籍秦致諸侯之

戍至余一人無日忘之閔閔焉如農夫之望歲懼以

待時閔閔憂貌伯父若肆大惠復二文之業弛周室之憂

二文謂文侯仇文公重耳弛解也徵文武之福以固盟主宣昭令名

則余一人有大願矣昔成王合諸侯城成周以爲東

都崇文德焉今我欲徵福假靈于成王修成周之城

俾戍人無勤諸侯用寧蚤賊遠屏

蚤賊喻災害

晉之力也

其委諸伯父使伯父實重圖之俾我一人無徵怨于

百姓而伯父有榮施先王庸之

庸功也先王之靈以爲大功

范獻

子謂魏獻子曰與其戍周不如城之天子實云雖有

後事晉勿與知可也從王命以紓諸侯晉國無憂是

之不務而又焉從事魏獻子曰善使伯音對曰

伯音韓不

信天子有命敢不奉承以奔告于諸侯遲速衰序

衰序

差次也

于是焉在

在周所命

冬十一月晉魏舒韓不信如

京師合諸侯之大夫于狄泉尋盟

尋平丘盟

且令城成周

魏子南面

居君位

衛彪傒曰

彪傒衛大夫

魏子必有大咎于

位以令大事非其任也詩曰敬天之怒不敢戲豫敬

天之渝不敢馳驅

詩大雅戒王者當敬畏天之譴怒不可游戲逸豫馳驅自恣渝變也

況敢干位以作大事乎己丑士彌牟營成周計丈數

計所當城之丈數

揣高卑

曰揣度高

度厚薄仞溝洫

曰仞度深

物土方

議遠邇

物相也相取土之方面遠近之宜

量事期

知事幾時畢

計徒庸

知用



幾人功

慮材用

知費幾財用

書餼糧

知用幾糧食

以令役于諸侯

屬役賦丈

賦所當城丈尺

書以授帥

帥諸侯之大夫

而效諸劉子韓

簡子臨之以爲成命

效致也劉子王卿士簡子韓起孫不信也臨履其事以命諸侯

經所以不書魏舒

穀梁傳

天子微諸侯不享覲天子之在者唯祭與號

祭謂

郊禘號謂稱王

故諸侯之大夫相帥以城之此變之正也

不曰城京師而曰城成周紀實也王城自平王東

遷以來天子世世居之其城完固敬王避子朝之

黨居於成周遂定都焉以其狹小不足以容衆又  
舊爲遷殷頑民之地其城圯惡故擴而新之諸侯  
大夫承王命往城禮之所宜故其詞平無所予亦  
無貶焉

十有二月己未公薨于乾侯

左傳十二月公疾偏賜大夫

從公者

大夫不受賜子家子

雙琥一環一璧輕服

琥玉器刻爲虎形  
輕服細好之服

受之大夫皆

受其賜己未公薨子家子反賜于府人曰吾不敢逆

君命也大夫皆反其賜書曰公薨于乾侯言失其所也趙簡子問于史墨曰季氏出其君而民服焉諸

侯與之君死于外而莫之或罪也對曰物生有兩有

三有五有陪貳故天有三辰

謂有三

地有五行

謂有體

有左右

謂有兩

各有妃耦

謂陪貳

王有公諸侯有卿皆有

貳也天生季氏以貳魯侯爲日久矣民之服焉不亦

宜乎魯君世從其失季氏世修其勤民忘君矣雖死

于外其誰矜之社稷無常奉君臣無常位自古以然

故詩曰高岸爲谷深谷爲陵

詩小雅言高下有變易

三后之姓

于今爲庶主所知也

三后虞夏商

在易卦雷乘乾曰大壯

䷡

乾下震上大壯震在乾上故曰雷乘乾

天之道也

乾爲天子震爲諸侯而在乾上

君臣易位臣大強壯若天上有雷

昔成季友桓之季也文姜之愛子

也始震而卜卜人謁之曰生有嘉聞其名曰友爲公

室輔及生如卜人之言有文在其手曰友遂以名之

既而有大功于魯

立僖公

受費以爲上卿至于文子武

子

文子行父武子宿

世增其業不廢舊績魯文公薨而東門

遂殺適立庶魯君于是乎失國

失國權

政在季氏于此

君也四公矣民不知君何以得國是以爲君慎器與

名不可以假人

器車服名爵號

昭公八年於外以齊晉大夫與意如聲勢相倚迭

爲輔車故卒不能入史墨之言謂魯民忘君而君

臣無常位以此儆君善矣然率天下之彊臣而爲

篡奪之謀未必非此言啓之且慎器與名此可以

責魯之先君而非所以責昭公也觀春秋始終書

法皆以示尊君之義而罪臣子譏諸侯胡氏安國  
徒以不能復國爲公咎過矣



日講春秋解義卷五十六